

羅浮侍鶴山人詩草

羅浮借鶴山人詩草卷二

寓意吟下

香山鄭官應陶齋

聞大東溝戰事感作

東溝海戰天如墨，礮震烟迷船掀側。致遠鼓楫衝重圍，萬火叢
中呼殺賊。勇哉壯節首捐軀，無愧同袍誇膽識。梁宏立志果不
虛，生當封侯死廟食。愧殺遼東衆將弁，曳兵棄甲無人色。喧傳
中外盡驚奇，兵餉虛糜尙滅寇。那堪平旅如金湯，拱手讓入千
萬億。措置乖方咎孰歸，春秋大義爲賢責。粉飾因循若養癰，堂
堂師挫彈丸國。我欲退步學神仙，不願長爲世所抑。功名富貴
本由天，任爾畸士求不得。嗚呼流芳遺臭竟如何，懦夫貪夫聽

我歌廣廈千間眠七尺良田萬頃食無多曷不爲國執干戈君
不見蒙恥貪祿一刹那

題嚴芝楣感蓼圖

吁嗟嚴生胡不辰呱呱失恃傷哉貧罔極深恩哀莫報麻衣如
雪空悲悼此圖是誰毫所揮覽之淚點沾人衣人生最樂發跡
早富貴功名非草草薦食春秋家祭豐事生不能節終蓼莪
數章不忍讀萊衣常侍願亦足終天恨抱長歎歎顯揚能使光
門閭嗚呼世之自謂能養輩碌碌安識天倫愛

上孫樊臣師相鄧小赤師帥論時事

凡事圖終須慎始審其先後知彼己體用不明莫妄行千古成

敗皆由此 朝廷近頗重商農裕民富國振困窮不頒商律嚴
賞罰外侮頻仍難折衝曠觀時勢已岌岌兵學政學宜亟立培
養多掄文武才強鄰狡計自潛戢經濟法律設專科學優還資
閱歷多茹古涵今通一貫興利除弊刪煩苛斯時共知練兵急
兵隨將轉如呼吸泰西人才出學堂瀛洲將領差能及環伺海
疆盡虎狼東鄰已悔闐於牆明知和約不足恃姑聯唇齒圖自
強昔言礦產恐難守中西合股或可久效法美邦分段租全省
與之國何有此時滄海正橫流蠶食何堪競效尤莫再因循須
奮憤維新國事共綢繆歐洲之長採衆議中華之短多自是上
下一心可雄視試觀嬴秦識天理

觀琉球越南印度國事有感

同洲分畛域環伺覬覦多地蹙衣裳窄

亞洲時

民愁政令苛通

儒非癖古名將豈求和漫謂人材絀行將詠伐柯

十方開殺運內外聽笳聲

亞洲重佛致動稱

有地須籌欸無人

不隸兵東西淆界限南北任縱橫

西伯利亞鐵路通由西徂東

弱者強之肉何時涸太平

題何沃生胡翼南新政真詮

知己不知彼波蘭被俄滅泥古不通今亞洲成瓦裂英先吞緬

印

英國商而據

法復踞南越

法因教而據

一室自參商內訌召

人伐

緬甸南掌印度等國皆兄弟爭權以致外

立國不自強羣

人乘隙而入所謂人必自侮而後人侮之

雄肆攘奪藉口利同沾藐視如甌脫礦路索全省饒涎恣饕餮
抵制詎無方南北易其轍眈眈虎視秦爭勝非口舌列國互猜
疑後先供齟齬滅虢必假虞肘免他人掣東隣墮奸謀闔牆計
太拙圖既瓜分定渝盟亦轉警執柯以伐柯海疆恐流血奈何
秉鈞衡廢食竟因噎新法戒勿談時局甘阨陞奚膏淵鰲魚自
潰何堪說古言廉不明貽禍更酷烈忠憤長太息吾華甯虜屈
倚人終失算須求自強策急效俄彼德變法求俊傑譬如披葛
衣豈可耐風雪將相果得人治道有本末借才先練兵餉足額
毋缺民團仿泰西志自同仇切選匠廣製造器械除窳劣更闢
大書院文武當循轍省刑薄稅斂憲法宜早設上無畛域分人

心方固結富強從此肇外侮自可絕一篇新政書抗議堪擊節
贈徐雨之觀察

治產居時習計然地連阡陌屋添塵三番共事將卅載兩代相

交近百年世事滄桑應有數珠江失地恨無權開平礦局招股

地百六十畝久不完糧違例充公爲會辦恒權不我操云雖遭風浪猶豐豫不必重干意

外錢

題切音新字

中國字象形歐洲字切音切音簡而易象形繁而深深則難淺
學窮年力不任無人爲講解字義莫可名捷法出羅馬反切信
口成乾坤宣音韻子母互相生陰陽諧律呂平仄辨濁清天籟

自然奏空谷可傳聲予友蔡

福建蔡

沈

江蘇沈

王

廣東王

厥功

嗣六經新剏切音學字簡而易明遲則習一月速則數日能無

論愚與慧命筆隨口稱似此擅絕藝誰爲達 帝廷頒行廿二

省設塾教師承紀音以成字婦孺皆可行民智從此啟富強立

權衡

答吳瀚濤大令論路礦

路礦關家國爲人劫利權笑吾如傀儡愧彼任抽牽欺壓民含

怨呼號孰可憐

地方生計盡爲彼族所奪

開門揖大盜

准外人開礦承築鐵路

何處是

山村

箴言寄紀常姪

家風守耕讀趨庭貽祖訓忝稱通德門積善納餘慶汝今初服
官鵬程賀發軔欽承不次恩柏府權臬印矢志清慎勤庶不
辱君命虛心師修竹鑒物懸明鏡居常嫻律例始可察利病
莫徇半分情堅持三尺令同寅貴和衷折獄毋偏聽愛民惟教
養行政自操柄變法分緩急否則成弊政切勿任臧獲此輩多
便佞寵用必僨事巧言莫輕信民教有交涉尤當心氣定可許
即允從不許言宜峻慎勿效模稜延約恐啟釁重則損國威
輕亦毒百姓能伏蠻貊心忠信兼篤敬數行進箴言千里遙寄
贈可作座右銘朝夕冀省傲

答英國廣學會董李提摩太及世爵貝思福論中外時事

羣雄共逐中原應連衝合從陰謀伏長鯨掉尾莫可擒猛虎傅
翼更肆毒中國積弱由來漸拘守舊章自爲足財竭軍屨不自
振割地償費勢日蹙鷹麟虎視環鄰邦棘手箝口笑當軸維新
變法下部議其奈守舊諸臣僕泄沓苟安不思變變自鹵莽叢
怨譴維新守舊乏通才賈生上書徒痛哭否極泰來參易爻革
故鼎新願啟沃 朝廷下詔求英才廣闢學堂資教育 聖明
天縱一發奮集思廣益勤典學考試策論改時文習練槍礮廢
弓鏃整頓工商開利源重訂律例懲翻覆教養十年始有效緩
不濟急難超蹕所慮羣雄踞要區恃強蠶食逞所欲俄人窺伺
尤叵測與英齟齬怨已蓄西伯利亞鐵路成旅順船塢待葺復

兵力糧械悉整備借端一發難收束既已明吞兼暗併何異得隴更望蜀各國紛紛悉效尤變遷世事感陵谷瓜分各自保利

權內亂乘之生計促英商懋遷必大紉

或謂俄人西伯利亞鐵路旅順船塢成必借端

先踞東三省順直等省而後兼併朝鮮不畏英日阻撓矣俄起法亦乘時侵佔兩廣雲貴更欲與日本爭福建亦踞山東凡

通商我國者皆思染指英國欲據黃海以南上自西藏下至揚子江里連省分浙豫均在內恐內地土匪起雲南四川廣東

又爲英法所必爭西北邊界屬地又爲俄英所必爭四處干戈民不聊生死傷必衆商務必衰何堪設想火燕昆岡

混石玉逞暴如秦祚不良尙德者王民自服英有爵紳具遠識

中西時事皆嫻熟痛陳利弊振工商聯美日德締心腹更有李

君志願宏欲挽劫運免誅戮亟譯卮言告政府請聯列邦爲犄

角保護中華如突厥商務推廣更輯陸楚材晉用聘教習邊備

兵強有頗牧寓兵於民法泰西俄法焉敢肆荼酷

聘英將如戈登者教練各

省兵民仿西國兵制一朝有事舉國皆兵屯廿萬於東三省聯日拒俄屯數萬於滇粵聯英拒法鐵路成徵調便捷強鄰自不

輕華夏礦路約同盟合股舉辦利源握達權通變互得益解紛排難須從速隻手相期挽逆流雙關慎勿觀棋局非常人立非常功高山景行千秋獨願掃浮雲日再明五洲同享承平福

送吳劍華之朝鮮即次留別韻

內宜方正外圓融俯仰無慚乃大公萬里扶搖期薦鶡廿年踪跡印飛鴻適當滄海橫流日會見殊方拜下風臨別贈言須記取屏除倨傲守和中

答邱菽園孝廉論盛世危言公法篇

公法知難筆舌爭，富均力敵始通行。祇因律例分繁簡，遂使中西失重輕。化弱爲強明理勢，用彝治夏轉昇平。調和刑政歸於一，聽訟由來貴得情。

漢陽鐵廠差次祝兩湖制帥張宮保六秩壽辰

文章燕許志伊周，偉抱槃槃孰與侔。憂樂同關天下計，指揮獨運幄中籌。縣社介徵安吉秩，秩筵張許獻酬樂。奏九成翔鸞，驚道同千里策驂。騶長思盛艷漢唐世，不愧名齊韓范儔。視草久窺中秘籍，看花曾向上林游。天公降鑒奇才顯，星使乘輜鉅集留。百粵節持揄豹飾，重湖師總炳鴻猷。雲臺已擅無雙譽，烟閣眞居第一流。經國小心常翼翼，容人大度自休休。匡時善政

孚民望逾格殊榮荷帝麻葑菲靡遺頻錫爵芻蕘垂問每停騶

黎氓頌洽三江澤白屋慈敷萬丈裘軍立自強嚴壁壘

湖北創立自強

軍

院開廣雅偃戈矛

廣東創立廣雅書院

理財須式桓寬論度地還師管

仲謀不畏浮言糜國帑祇求利路勝西歐鍊鋼冶鐵成槍械關

路飛輪製陸舟西學從風多仿效南方未雨早綢繆美歐字語

煩重譯島嶼輿圖考五洲互市通商示權變梯山航海重懷柔

祇期輯睦邦交固不慮迢遙道里修兩戒鸞輪窮亥步八紘電

檄迅庚郵連篇奏牘推名世疊歲恩施賑遠陬品範共欽文潞

國忠勤克繼武鄉侯騰謳唱軼赤鷹曲紀德詩編黃鶴樓海內

調元符玉燭朝端舉相卜金甌綸音會待飛書鳳劍氣遙看貫

斗牛憶昔清威宣穗甸許教下士謁荊州受知有幸邀青盼任
事無功感白頭樾蔭分榮叨廣厦桂枝送馥正高秋維申令日
觥稱兕周甲延齡杖祝鳩腰笛何當來李委仰瞻弓月衍箕疇

與潘蘭史典籍論泰西專制共和立憲三政治演而爲詩
一從揖讓易傳家手握威權四海加專制政成民氣鬱征誅篡
弑禍無涯

位稱總統舉從民任滿瓜期有替人官吏都懷傳舍念漫言赤
手轉鴻鈞

權無畸重與畸輕上下相維政教成

上立法
下設院

禮別君臣情父

子大同世運慶昇平

答吳瀚濤觀察

欲固民心議院開先言人格舉賢才集思廣益知優劣皇道無親大舞臺

因循畏難書歎子暴動激昂莽丈夫兩者登場皆誤國外王內聖是良圖

由粵至滬舟中見月作

浪跡辭家客秋心共雁飛仰看天上月偏與故人違破浪雙輪穩匡時百計非膚功何日遂歸隱釣魚磯

俞曲園先生文孫陞雲得授傳臚有喜賦詩次韻奉和

喜聽櫻桃賜 御筵霓裳同詠大羅天班聯黃甲魁多士翔步

青雲羨少年文苑久推千里譽名家非僅一經傳彭錢雅具知

人鑒

彭雲太史為剛直孫婿

經濟還須讓後賢

朝回衣染御鑪香紫陌揚鞭日正長萬卷森森羅武庫九霄

耿耿射文光搏鵬發軔今開道倚馬揮毫獨擅場榮世詞章經世績貽謀燕翼慶翱翔

接王爵堂星使電委僱通事約出奇軍以靖敵氛感賦

密電忽從海外來委招通事計奇哉情同救鄭須攻楚志在得人豈論財萬里行船宜慎重三軍戰馬勿虺隤那知瞬息風雲變不到黃龍志未灰

巧宦

作宦無如巧權謀藉老成好官憑我擇流品任人評禍福工趨避炎涼判勢情終南多捷徑反手博功名

庸臣

碌碌何爲者公然亦乘車保身惟謹飭泥古誤經書粉飾工欺詐糊塗任毀譽奄奄無振作李志與曹蜎

墨吏

征比列科條苞苴用益饒無心談教養肆意吸脂膏碧玉娛良夜黃金進下僚彌縫無別術獨讓孔方驕

清流

亦繫蒼生望虛名早播揚好談當世事雅慕晉人狂訾讐譏新

法因循率舊章秉權同誤國猶自詡忠良

送岑雲階方伯調任山右

中興偉烈冠羣臣

謂先德
踐勤公

韓范於今有嗣人
薇苑風清嚴課吏

棠陰雨潤惠施民
邪蒿鐵面刪除盡
惡草冰心燭照神
留得去思碑碣在
餘恩長作嶺南春

九州遷轉表臣忠
華嶽西瞻氣象雄
政績無雙傳杜母
治平第一媿吳公
羽儀翔翥桐棲鳳
光耀騰驤劍化虹
況我石交相訂久

余與公弟融莊
觀察訂金石交情殷借寇結深衷

贈禁烟會董亞厯山打

印度不種鴛粟時
國強民富春臺熙
鴛粟花盛國亦覆
顯于天

怒夫何辭英人弗省教精製逞力營運暢所之戰艦東來溷弛
禁毒流無底罪歸誰亞君今拊禁烟會代天救世宣慈悲一視
同仁無畛域如日普照光無遺奈何利欲昏心者一意富強圖
己私烟毒害人孰不識何須查問猶遲疑試憶販奴當禁日遣
員訪察祇如斯繼思禁酒與賭博酒徒博徒胥相宜爾虞我詐
終無益和衷共濟何難爲人生覺性自天授天人感應理誰知
羸秦羅馬今已矣宣聖長爲百世師

和日本長岡護美子爵松柏園卽席韻

東海群賢醉綺羅羨君才調邁陰何識同秋月懸空際氣似春
風扇太和興亞深知唇齒切闌牆回溯感懷多神州此日嗟紛

擾忍聽參軍子夜歌

外侮憑凌布網羅弱爲強肉未如何計工蠶食偏言好力時鯨
吞暫議和秦晉爭雄形勢急中東相愛激昂多誰消瓜裂無形
慘萬國平權畫一歌

讀波蘭衰亡戰史書感

俛仰天地察人國消長存亡理可測環聚星斗成天球滙合山
海爲地域人彙精血通百骸乃能耳目各司職恍悟小團成大
團智者不廢團體力臨蒞億兆南面王撫馭九有貴尙德民爲
邦本語豈誣上下維繫相輔翼降及叔季專制嚴民瘼膜視臣
粉飾威福專恣病閭閻重足而立目盡側甚或防民如防川箝

口縛手苦遏抑不知民智能富強祇識愚黔無曲直一旦潰決

不可收羣情渙散運否塞股肱心營將安求空擁尊權成孤特

我讀波蘭戰史篇每爲掩卷長太息治亂休戚漠不關馴至兩

雄謂俄普割據相僭逼若使平時早合羣開誠布公泯忌刻君民一

心互維持奚致鯨吞并蠶食維新善法何不行痛爲庸臣私意

惑可知專制之君非英明不可悠悠荏苒百餘年今距波蘭滅亡百有餘年後車不鑒前

車軾令我扼腕更拊髀鷹麟虎視心愴惻藉詞保護于內政不

獨官爲彼黜陟內政之黜陟稅之輕重皆官之黜陟有不能自主者紛索租界歸自治執柯

伐柯計狡極借官勢勒索商民受虧地招土民練兵庚子辛丑約尤

甚毀大沽炮台天津城牆索禁地江山慘淡無人色正是臥薪

嘗膽時發憤爲雄當石泐非我族類心必異楚材晉用防姦慝
俄用外人須入籍無分東西與南北所幸 聖明慶當陽不振
新機快胸臆儻更獨秉乾健綱詎遜明治大彼得發揚騰蹕起
爭雄百藝精通培材識叅訂憲法立公民通商惠工勤貨殖旁
通曲暢隔閼情大開民智當務亟洞闢議院抒下情歐美成法
堪取則况復亞聖垂名言民爲貴兮次社稷振觸波蘭發浩歌
敢效金人三緘默寄語努力圖自強起視新運目淨拭

與鄉人論各省設大小西學堂

華文學日文通祇一年久若是譯專門業精方應手

譯專門之書非通專

門之學不可較諸讀西書費薄而功厚課本宜全譯循序以授受日

授本國文音殊義不苟學校如林立

有普通師範有高人材無等專門名目頗多

人材無

不有我國急仿行毋落他人後真材必易得品亦知良莠取士
維新法無以出其右國體固不失可以長相守漫效各海關祇
重西文咎用夷以變夏徒貽中國醜

祝盛旭人侍郎九秩豫慶

一品仙披一品衣遐齡富貴古今稀采萃勝會和笙瑟折桂華
筵萃紫紉玉筍趨庭繩祖武

公文孫已登賢香

瓊枝繞室振芳徽姮娥

亦解迎人意月滿秋光分外輝

公齡恰前中秋二日

賢書在昔登天府千佛名經詎等閒皓首未隨商皓出朝衣曾
自杖朝頌中興甲子從頭數後輩元魁拜手攀碧眼方瞳瞻壽

相朱顏甯染凍梨斑

龍馬精神海鶴姿耆英洛社想當時榮膺橋梓鳴鸞佩

公與長君杏蓀

宮保現皆晉秩卿貳

秀毓芝蘭耀鳳儀

孫曾穉膝頗有問安惟頷之樂

笑指秋澄銀漢夕

畫眉喜詠玉臺詩

公大隱後一日爲令嗣萊蓀合卷之喜

釣璜莫漫蟠溪隱好爲

蒼生作帝師

看徧滄桑歷五朝令公華髮未蕭蕭清如霽月升圓嶠皎若朝

陽麗絳霄鄂渚殊勛傳煮海

公嘗官湖北鹽道

錢江深澤抵春潮

公分巡浙

西後陳浙臬皆恩法兼盡今浙人猶歌頌弗衰

名卿舞綵羣仙會人瑞欣占玉燭調

贈日本伊藤侯相三十六韻

七雄縱橫如戰國勝敗原難審曲直中國因循不發憤上下交

蒙情否隔泰西公法重富強往往干戈易玉帛溯從英法犯中華重關難翼丸泥塞船堅礮利彼所恃我軍禦之輒不敵長驅直入無人當可歎疆臣猶粉飾 朝廷洪度重懷柔海口通商任需索六州聚鐵鑄一錯鋌而走險不暇擇內地傳教最失計煽惑人心尤叵測痛深創鉅若無事率由舊章甘自畫文人入股獵科名武士弓刀判黜陟貪婪只顧身家肥度支誰問 朝廷瘠暗中元氣久賸削天下莠民多反側圖新守舊兩不宜大局竟同孤注擲痛哉列國議瓜分虎視眈眈伺我隙俄人陰謀更恣肆直欲包舉如捲席非特得隴還望蜀不啻假途先滅虢各國紛紛競效尤要求不得肆恫嚇杞人之憂何能釋忍見銅

駝臥荆棘革故鼎新不容緩無人更正匡時策中國最與東瀛
近形勢相聯共休戚君侯天生王佐才經文緯武奠社稷燮理
新政二十年上行下效究貨殖救時同德協同人練兵羣策屈
羣力運用之妙存一心國中富強日裨益急流勇退師留侯遍
踏青山訪黃石去秋乘槎海上來得瞻顏範語溫克翩然一掉
赴燕京陛見 深宮禮如客正值朝政大變更倉卒東歸泛海
舶近聞 朝廷遠厲書敦請名賢共輔翼楚材晉用藉維持和
衷共濟勞輿革會同列國議和平保護吾華免蕩析本固邦甯
無近憂唇亡齒寒鑒陳迹須念黃種共支流深期赤手援飢溺
非常人建不世功四億蒼生戴君德於戲四億蒼生戴君德

讀羅浮紀游作

山人最愛洞天遊

羅浮是三十六洞天之一

昔嘗兩度探羅浮不藉仙蝶馱

詩夢待招元鶴爲從騶

余自署羅浮待鶴山人

冲虛門前有獅象

門外左右之山

儼如獅象黃龍吐珠境最幽

黃龍觀下有山如珠俗呼爲龍珠

朱明羽化遺巖洞歲

藜芳草環松楸稚川丹灶烟火冷人間凡骨能換不選勝何必

山陰道眼底奇景無與侔

黃龍冲虛白鶴各觀華首巖寶積延祥三寺余皆歷覽焉

快遇羽

士彭錢後

與彭凌虛鍊師樂野晨夕

譚元說奧情相投時或導我觀飛瀑恍

疑天際下螭蚪松濤萬壑答疎磬清風振袂同深秋山花無主

自開落林鳥迎客鳴鈎轡仙凡迴隔無塵俗策杖躡屐訪浮邱

四百奇峯游未畢家書催我上歸舟自恨未能脫塵鞅還丹面

羅浮俯嶺山人詩草

壁來潛修道光得訣尙還俗

薛道光

山靈勿笑難爲留回思廿載

成陳蹟

屈指前游已二十年矣

韶華荏苒如東流霜壓兩鬢髭撚雪

余今年六

十有

悟徹身世本浮漚桑田滄海幾遷變白衣蒼狗烟雲稠但

鍊金剛身不壞奚須人世封王侯何時慧劍斬羈絆雙修性命

入瓊樓河陽贈我紀游草

謂獨立山人以羅浮紀游寄贈

嵐雲谷雨瑤編收開

卷根觸前游興感懷不禁發狂謳

英美德海陸軍章程錄呈曾忠襄張靖達未用誌感

世事如棋局愚智分榮辱險隘必相爭弱爲強之肉方今二十
紀兵精火器酷各自保利權聯盟陰謀伏借端踞要津得隴更
望蜀亟練海陸軍分門嚴教育章程采泰西獻以挽頹俗

答汪甘卿孝廉

小中大學堂課本宜編正由淺而入深教育首德性小學知所
愛中學知所敬大學窮哲理有道砥其行日本爲俄欺蒙學作
歌詠自少入腦根老來憤其橫所以無貴賤愛國不惜命名留
天地間戰死以爲慶人說泰西法我說出孔孟視臣如手足社
稷重百姓孟子云民爲貴社稷次之君爲輕泰西能力行東瀛稱善政明治始
維新借此以自鏡舉國皆尙武合羣共爭競圖強得自存君民
守憲令上下同一心興利除積病專門學校多人材自然盛百
藝無不精氣雄兵力勁

感時贈盛杏蓀太常

羅浮侍鶴山人詩草

卷一

七

一

一

一

一

一

一

公欲興商務工復恤農律法莫早定學校啟愚朦醫國如醫
病智珠握在胸標本分先後方劑勿亂攻表虛邪易襲氣弱體
難豐太醫徇故步臨證誤昏庸韋脂工色笑因循若養癰時危
共失措無人任折衝中東肇衅後國勢尤疲癯俄遂聯法德居
間暗交通外觀似援助逼日還遼東市恩於中國藉此索無窮
英亦假商務利權頻擴充虎狼思飽噬犬羊亦逞兇群起執條
約利益沾須同大言恒恫嚇厚餽相欺蒙德船兵數百莫敢撓
其鋒自失膠州澳咸知國虛空海口爭割據瓜分興更濃兵船
來萬里煤糧許暗供公法安足恃漢奸爲內訌窮民艱衣食甘
爲彼族備詆笑無教化藐視在其中亟聯日英美變法挽頽風

維新與守舊共濟當和衷上下期一德發憤勵始終師長何足
恥所恥不知戎民剛仿西例貴賤一體崇軍械不外購製造奪
天工憲法宜早立朝廷乘至公愛民無畛域報國同效忠處處
嚴守備百戰無惰容相持久不下犒師費尤洪彼民怨商因知
難必息烽柔茹剛則吐霸業昔所宗聯衡視強弱舉賢去昏懵
不需三五載我願必相從各事無掣肘百藝亦興隆兵強可衛
商商富兵亦雄一洗厯年恥奏捷甘泉宮遲至鐵路成決裂如
穿墉彼時悔無及束手難彌縫聯盟不自振終貽蹈尾凶承平
何時覩搔首問蒼穹

書感

夢醒南柯欲挂冠如何猶託宦情闌爲憐中澤哀鴻苦莫謂臨
厓勅馬難世事如棋爭一子光陰似矢走雙丸自稱下走同牛
馬厭聽翺翺比鳳鸞棄木不材遺樗櫟他山攻玉契芝蘭堂虛
綠野延裴度望重蒼生起謝安濟世有心天可表與人無競路
常寬會當歸隱飛雲頂密煉天元九轉丹

讀盛太常奏請變法自強疏

條陳讜議奏 丹墀獨奉心肝報 主知慷慨備言天下事襟
懷雅興古人期裕財策上師劉宴致富書成績范蠡變法自強
資啟沃通權有術藉維持疊膺 巽命勞籌畫待建豐功仰度
支鐵軌火輪周內地屯兵築壘鎮邊陲非常事業傾中外會計

盈虛聽指麾此日 朝廷求治急蒼生翹首祿安危

有友出山入官來索贈言書此貽之

士農與工商三代有專門惜我先王法古書今不存
人材根學校無學詎能精取士今宜變因時望聖明
所學非所用何時臻富強維新如彼德甯不勝扶桑
教養師西法髻年例讀書窮民習工作衣食可無虞
歐美社會多同心共研討人材從此出國祚庶永保
事非集衆思淑慝恐難辨下情得上達大哉議政院
選舉重人格品端學問優美洲換總統正副任投籌
有才無道德結黨共營私買籌充選舉何以定安危

泰西重練將舉國盡知兵
巡捕用西法安居鮮亂萌
古仕久於任秩遷位不移今
官若傳舍經濟何由施
求富無他術開源與節流
羣臣工聚斂民欲隸歐洲
刑官不讀律胥吏操其權
五洲同一例賞罰自無偏
數里設一卡巡丁苛如虎
勒索多中飽國課終無補
清慎勤三者循名須責實
處事莫因循拳拳守勿失

高麗使臣函問時事書此代柬

育材廣學校優獎勵工商
徒議購船炮安能臻富強
彼強饒實利我弱擁虛名
倒授太阿劍何能口舌爭
西國多諍臣東邦少亮節
不顧時事危應慚爵祿竊

民富國亦富民強國自強愚黔誠弊政胡不法英王

懷梅嶺棲雲山人

老萊深隱白雲鄉惟愛壺中日月長世界繁華情自淡天台縹緲夢難忘不容俗士尋芳徑應有高人降草堂金粉叢中聞妙否相期花下細參詳

香港晚眺

萬國帆檣供白眼一天星斗鑿丹心何當得遂籌邊策巨刃摩天破積陰

述志四十韻

粵稽古良吏功名青史載立身才德兼行政文武備艱險出洪

猷盤錯別利器刑獄頌持平瘡痍起凋悴其志在安懷絕不貪
祿位惟木必從繩若金堪作礪以此涉仕途俯仰庶無愧余非
棟樑才敢存廊廟志惟憤外侮多頗亦好經濟治亂探本原興
革窮利弊西學資實用繙繹攷格致善不分中外累深由仗義
易言改危言冀以開民智大地遍風行流傳同抗議

吳縣馮桂芬太史著

校邪區抗議
並傳於世

感荷鄧中丞疏入告 聖帝曠典承 乙覽頒行

勅中秘仰邀不次 恩始願所弗計用是得微名以爲可任
使安定中丞公奏調辦礦利謬許識時務兼理鐵路事親朋願
資助愆愆期用世賢哉兩中丞薦剡意誠摯自顧才識庸恐遭
宵小忌耿直不合時奚敢輕一試况值時事艱何以振凋敝外

患方交乘富強驟難冀羊公不舞鶴謗言終莫避上書一再辭

非敢自暴棄殷殷屬望心五內誌高誼龜緣入夢烹鸚爲能言

繫從此效金人機密口如閉所譯時務書久已贈知契

所譯英
國報館

例律及歐洲各國水陸商政比
例通議等書均已持贈盛京願積養生資羅浮擇片地不蹤

班定遠但學金可記

唐代仙人
隱居不仕

結侶道同叅清淨守真意緣督

以爲經煉形常服氣白雲不出山花開自成歲道造物外情王

侯未足貴倘逢葛仙翁相隨叩元始作詩告同人此志終不二

早秋病居感懷

熱血填胸獨自醒夜來閒步過中庭草間蛩響秋三徑簾外山
銜月半稜病久漸能知藥性愁多端合念心經班生不遂封侯

願要學鍾離事煉形

中日變政書感

東瀛患貧弱發憤欲維新
選招佳子弟負笈到西隣
學優歸故國特擢作元臣
變政知先後利弊燭如神
吾華惟泥古入股爲儒珍
肄業美國者廢爲閒散人
所學非所用強弱此中分

次潘蘭史徵君論變政原韻

變政有先後維新立憲綱
君民同一德國祚自綿長
學校貴專門不專藝不精
人材從此出富國亦強兵

舟次西江阻霧

西江通五省總滙在梧州
土產穀米麥桂枝花生油
硯史端州

著橋柚沙田優船艇如梭織百物不勝收進口貨日盛洋紗與
疋頭兩岸山環立烟村草木稠水涸深七尺江闊可橫舟漫云
西粵苦寶藏盈山邱蒼梧縣等俱謂西粵地瘠民貧奈何安故轍如在霧中游
清談消永晝把卷夢莊周同舟諸君或相聚清談或掩卷而臥外國垂涎久爭思
奮遠謀狂瀾誰力挽變法障東流

贈羅星潭觀察

丈夫志功名焉能惜離別忍觀虎豹來不憤不豪傑
黃海倭氛熾時危戰伐頻東山今臥起漫謂國無人
獬犬驅難盡哀鴻聽可傷請纓眦欲裂勞我夢疆場
交久如昆季同流不異源塵囂何日謝高隱到名園

題吳劍華準今論

劍華獨負瑰奇才經文緯武凌金臺西行東征不得志橐筆還
歸滬濱來高談娓娓驚四座瑯環展讀眼界開地球行徧九萬
里胸羅甲兵智量恢早知東瀛欲犯順上書請討毋徘徊相公
笑呼爲狂士割地求和釀禍胎熱血噴激東海水英雄無力隨
波頹狂瀾欲倒待誰挽天時人事交相催五強環伺欲逐逐棋
局紛爭厯盛衰何日車書歸一統吾將高隱返蓬萊

得羅星潭觀察陳次亮部郎手書

留侯少伯建奇功勇退潛修際遇同可惜後來名將相神仙不
作作英雄

言路宏開又訪賢詔書邸報萬方傳莊周不仕休徵辟救世心
存學劍仙

不求大道出迷津縱負雄才豈達人爵位愈高年愈短水中明
月鏡中身

古今富貴似雲烟欲立功名敢愛錢毀譽不驚存正氣襟懷朗
對月中天

乙未元旦作

撫年五十四旅食滬江濱淮勇羞降敵台灣恨屬人鬢斑心益
壯血熱語嫌頻棋局因循誤樞垣粉飾新忠貞懷鄧左

鄧世昌
左寶貴

血戰陣亡豪氣羨吳陳

吳劍華
陳次亮

何日逢知己乘時薦國賓危言隨毀

譽憤世獨悲辛北望雲天近東瞻島國隣
求成當歲首史筆記
王春

別粵寄內並示諸弟

青山綠水盡吾廬野鶴閒雲任所呼
堪笑鵲巢爭未已豈知拔
宅是良圖

得失窮通聽自然放懷漫學杞憂天
平生愛讀夷齊傳忍讓何
妨效昔賢

壽張弼士觀察六十初度

憶昔浮槎奉使年堂堂歲月老風烟嶼坡舊蹟
軺車紀粵漢新
猷鐵軌連

公創辦粵漢鐵路

金殿隔鑪諸李泌玉駟持節繼張騫昂頭

碧海明如鏡朗誦黃華四牡篇

咨度詢謀獨任勞垂憐桑梓竭脂膏輶軒破浪勤籌箸原隰耕
烟欲賣刀海島願聯西士袂瓊臺常建漢家旄

公會條陳當道擬約西人合租

瓊州以社窺伺箕疇介福今週甲壽世丹忱燭九皋

冬日南檐煥氣深一陽來復見天心梅開庾嶺香千樹松老徂
徠蔭百尋應有壽星臨玉宇更看鄉月照瑤林濡毫預寫臺萊
頌想見稱觴慶盃簪

山庭表異骨權奇雪鬢霜髯晚景宜唐舉鑒觀應不爽張旌榮
顯莫嫌遲靈鍾大浦翔華候嘏祝瀛洲奉使時杖國杖朝期有
待長生曲奏合華夷

乙未感事

世界循環若轉輪天涯何處避羸秦
鷹麟虎視來歐種蠹食鯨吞伺亞人
財政暗侵開礦路利權顯奪踞關津
急求立憲開民智上下同心撫字仁

世事如棋一局輸誰教邊境禍堪虞
楚材晉用非長策富國強兵是霸圖
獻策關中思鄧禹立勳江右待夷吾
禦戎自古須良將莫恃羈縻作遠謨

天險難防地利窮傍觀碌碌笑諸公
司農終日籌軍餉比戶何時息盜風
教養不知誰愛國守攻無術但和戎
如何軸秉鈞衡輦割地行成亦紀功

不辭汗馬矢忠勤密約同袍靖海氛

甲申年曾約同計定樓船志擬暗襲西貢

趨間道指揮鄉導伏奇軍陰符熟讀行兵策陽歷新繙變法文
却惜良謀成畫餅空餘壯志鬱風雲

且刑白馬更脩盟中外交通政貴平種類雖分黃與白靈魂不
滅死猶生學興切戒風潮作教立須忘水火爭一視同仁無畛
域受塵占籍卽吾氓

學校欲興科舉在重文輕武失雄心猖狂底事翻橫議泄沓誰
能禦外侵國勢反因專制弱邦交未悉詭謀深關懷大局危如
許痛哭陳書淚不禁

管鮑相交世所稀和光混俗任人譏乾坤正氣神當鑒仙佛真

傳願未違九轉待來金鼎藥七情早息漢陰機
蓼辛荼苦都嘗遍何日丹成跨鶴飛

駐俄法日各公使奏立憲法不成有感

立憲維新本安民定國基若非賢宰輔英主亦遲疑
天視我民視何殊議院成共和宗古法得衆在公平

憤世

變政無智勇畏首復畏尾上下習因循事事皆委靡
大權日旁落外人任供使非但各海關郵政亦如此
路曠不自開利源能有幾民窮國亦困賠款尙未止
羣雄似虎狼暴虐無倫理驅我作馬牛反笑不知恥
普告滿漢人相依如唇齒憤志學東鄰愛

國同生死合力求振興憲法從斯始君民能一心富強猶可企
否則繼波蘭禍至悔無已

自勗

身經百鍊似金剛外則圓兮內則方律己未嚴虞放蕩交人以
敬法溫良清平志氣功名澹保守精神道業昌嫉惡叔牙嫌已
甚漫言憂世接輿狂

世事旁觀似奕棋臣心如水鬼神知率情豈敢趨時變素位何
妨任所之漫懼因循防急躁幾經患難過仁慈萬金散盡圖忠
孝訪道尋山尙不疲

彤管遺芬錄題後

越中古多奇女子曹娥朱娥紀於史成名而去各千秋繼其後者有魏氏魏氏生成冰雪姿許字王郎未結縵女兒花好春風妬慕被吹殘連理枝連理枝上鶻啼血生不同衾願同穴奈何獨上望夫臺事隔三句議不決議不決兮叔欲行柏舟矢志愁中更仰天飲藥甘如醴了却塵緣表女貞女貞之木拱荒阡留得遺芬錄一篇愧煞鬚眉千百輩偷生畏死苟延年

刑獄

酷吏用嚴刑冤誣以成讞拷掠無完膚桁楊血及跣慘狀不忍觀衆相地獄變獄卒更私刑勒索延殘喘孥戮及牽連非刑概當免律例與監牢悉從西法善長禁改苦工功德良非淺

拳匪

學法袁天罡識數助天子哀哉義和拳暴動國之恥未讀石函

記安知其秘旨符咒偶有靈樞臣信可恃始縱燒教堂繼則殺

公使震動五大洲八雄乘勢起八國起兵來華俄德兵最凶殺人如犬

豕淫姦復鎗斃婦孺全慘死京津遭毒砲綠氣炮最毒屋宇成棘枳

玉石誰爲分蘭艾同時燬春秋救隣國大義豈如此列邦各懷

私強秦更奇詭俗呼俄爲秦官商歸不得告急呼桑梓救濟救急會

派人相料理局船比慈航招商局船不收客價生還皆歡喜北望淚沾巾

烽烟何日止 車駕盼東還新政從此始

訓子

勉爾勤修趁少年
虛心憤志業精專
經書爛熟方西學
博古通今事大賢

日用隨人稱有無
東坡家法畫前模
菲衣惡食何須恥
能屈能伸是丈夫

諸葛一生惟謹慎
呂端大事不糊塗

先哲格言

嘉言懿行宜多識
學

實天人乃大儒

積德行仁期在我
窮通得失聽於天
須求顏子簞瓢樂
勿受人間作孽錢

靜觀世態感炎涼
腹劍還防笑裏藏
莫漫逢人結知己
耳餘列傳細參詳

教子當如高密侯各精一藝勝良疇慎餘堂名勤儉成家法容
忍真能解百憂

不耐飢寒非志士能兼氣節是全才英雄自古多磨鍊勿謂艱
難志遂灰

畫虎不成反類犬文淵示子誠粗豪先賢家訓宜多讀謹守謙
和法最高

和沈小園太守六句述懷原韻

門第清華世澤昌碧梧高蔭讀書堂萬家赤子沾恩澤三徑黃
花挹晚香驥尾青雲同景附鴻嗷中澤感荒涼爲歌介壽南飛
曲錄紀東華日月長

繫字作補上言正
滴露研硃釋道經客來談笑兩忘形電傳機括音尤捷夜訂章
程筆不停富國裕民常上策乘風破浪快揚舲登雲笑捧瑤觥
飲龍馬精神更錫齡

無題

駑駘畢竟受人羈舉目新亭事已非將士何堪輸馬服海疆先
已偃龍旂杞人有淚憂天墜節帥無謀任世譏寄語邊民須激
勵從來貽誤習脂韋

祝鄭慎之觀察七十晉一壽詩

飛輪激浪來殊族五千餘年闢奇局戰不在兵權在商紛爭何
恤同蠻觸惟君運籌搗中堅操奇計贏工懋遷南溟島嶼供流

覽飄飄不數地行仙昔力墮號寸金地惜乎未盡自然利君運
精心延邠人驗苗鑽洞發宏議寶藏直探碧海隅購機探錫煉
洪爐酌盈劑虛善居積仰食奚止千百夫阿芙蓉稅誰釐定得
君勾稽義俱罄賢勞懋勉著歐洲英廷寵錫帶鞶稱君才贈富
德潤身既利已兮亦利人手握商政數十年中朝異數叨 恩
綸識君憶在甲申歲余時奉檄從王事暹羅越南策馬餘相見
恨晚心如醉我籍陽江君東州苔異岑同情誼稠和易坦率無
崖岸孝友肫篤空凡流羽書千里催歸轍情深轉覺難爲別臨
歧贈我連城珍承惠金鋼
鑽指環訂交比石堅如鐵此別忽忽十稔過
海南滬北相思多君既杖履娛清福我猶宦海慙蹉跎屈指三

豕渡河候爲君七十開眉壽今庚海屋一籌添梅花破臘春光
逗衣冠踰濟齊稱觴芝蘭玉樹競含芳克紹前徽昌厥後壽與
古佛同無量長天雲路須鳧舄恨無仙吏王喬術遙飛一盞祝
千春身其康強子孫吉龍馬精神海屋姿祥霞高護靈椿枝駐
顏不藉金丹訣適性突過餐瑤芝遠瞻茂蔭照瀛海隊隊斑衣
欣舞綵杖朝載獻岡陵詩錦堂想見羣仙藹

盛宗承贈六十壽詩次韻奉和

崧生嶽降富經綸雅量汪洋更邁倫馬首孤寒慚國士龍門高
抗萃崎人_{多奇門下}老萊斑綵家庭樂公緒吹噓萬物春詩扇奉
揚時在手仁風披拂上羅巾

附盛宗丞贈詩

二三豪傑今誰是才識如公孰比倫
夾漈著書關國計嶺南學派有傳人
海天舊雨尊前話山館停雲劫外春
丹荔已過盧橘熟芰荷香裏漉疏巾

六十初度書懷

花甲初週鬢已斑少君底事未安閒
李少君聞道未修因貧而什驚看海上

銀濤起靜守壺中玉液還夜告蒼穹恒自勉
趙清獻豈有所不夜必焚香告天不

可告天者不爲余師其法以自勉日行素位復誰訕何時得遂旌陽願驅孽除

蛟靖海寰時牽匪亂江蛟水大發

蟠根錯節氣猶雄探敵援臺奮厥躬
法越之役彭剛直公委赴西貢等處察探敵營又檄

委援 屢塞漏卮舒國困創辦上海電報機器織布造紙各 疊邀

曠典振民瘵籌賑晉豫順直力辭獎叙兩次奉旨 著書敢謂

匡時論盛世危言孫尚書鄧中丞謂是時 課藝會教博考工昔

余課上海格致書院肄業諸生題詢泰西士農工商 恭祝 翠

華迴馭早日新盛德慶風同

花甲初度感懷兩律承親朋賜和賦謝

危言敢詡獨先機但恐扶持國手稀厝火詎知謀曲突權衡徒

自惕襦衣合羣立憲維新本獨守成規創業微擬借魯戈揮日

馭撥開雲霧見清暉

六十年來願未酬南轅北轍訪莊周詩成遍荷佳章和身老應

求大藥修宦海風波憐將相逢壺歲月傲王侯諸君共有匡時
略我欲從師跨鶴遊

商務歎

富強由來在商務商出農工須保護商律頒行宜認真精其事
者管商部農工學生雖卒業未經歷練毋輕僱中華礦產冠五
洲自然之利天所與取之不竭用不窮礦路宏開國自裕可惜
民間習氣深開採每爲風水阻風水豈能阻外人徒爲外人守
其土試看奉天可類推不識時務惟泥古且歎開者資本輕貿
然舉辦無次序不先鑽穴驗礦苗

凡開礦西法必先請礦師用
機器鑽驗煤層多少厚薄化

看礦
質

往往無效失資斧雖聞漠河獲利厚無如餉重賊難禦

匪金

猖獗勇 糧源重 輪船電報開平礦創自商人盡商股國家維持報効多

試看日本何所取辦有成效倏變更官奪商權難自主開平礦

股價大漲總辦擅自合洋買

開平借庚子之亂不集董事會議
竟廢自與西人定約入股台辦

地稅不納被充公利失百萬真乳腐

代購廣州地百數十畝
因久不納稅聞被充公電

報貶價歸國有不容商董請公估輪船局權在直督商欲註冊

官不許總辦商董舉自官不依商律由商舉律載大事應會議

三占從二有規矩不聞會議集眾商股東何嘗歲一叙不聞歲

舉查賬員股息多少任所予調劑私人會辦多職事名目不勝

數

改歸直隸總督管轄札委會辦坐辦帶
辦共八人提調稽查董事共十三人

不治輿情無是非事

事輸人糜費鉅用非所學弊端多那得不受外人侮名爲保商

實剝商官督商辦勢如虎華商因此不及人爲叢驅爵成怨府

憶余會辦輪船局龍旗兩換安海宇

甲午庚子之變輪船局產皆余經手換旗安然往來

海上事後贖回祇給領事註冊費

代購滬東兩碼頭獲利百萬非無補宏羊底

事受排擠嫉惡如仇性愚魯熟讀中外平準書感慨時艱告君父

輓袁爽秋太常

憶昔論交笑我癡清剛例不合時宜

當年公勉官應語

庸知抗疏扶危

局忠比椒山事更奇

讀漢書適聞電報局督辦及招股創辦董事易人有感

是非公論聽旁觀開國元勳獵犬看世事紛爭如博奕人情反

覆似波瀾從來正直招尤易畢竟清剛挫節難我學子房甘勇
退追隨黃石煉還丹

和王爵棠中丞小飲西山洗石菴原韻

春水環城漲碧波綠回山草雨初過願從玉筍叅禪理待聽金
鏡奏凱歌羽箭星馳狼燧熾雲堂風勁鳥聲和銜杯添取新詩
料窗外峯蟠幾點螺

巖花紅媚佛燈青月滿潯洲入畫屏寺觀安居幢作護萑苻未
戢戰難停戎裝督陣雲山立將令宣威石洞聽捧檄緝私梧港
澳追隨未獲叩禪扁

鏡歌一闕奏平蠻伏虎威留異俗間健骨據鞍雄顧盼壯謀結

陣妙迴環范銅作柱曾銘績謗慧成珠任逞姦此日大灘瞻廟
貌千秋心迹印清溪

戰蹟應推新息多炎方遠定漢山河丹心獨具籌邊策赤手能
平大海波像畫雲臺圖妙肖功成露布墨研磨羨公指日殲羣
醜一樣殊勛頌止戈

癸卯春奉檄查緝港澳私販軍械兼粵漢鐵路購地局事
夏初又委統梧州三江緝捕感賦

年來戎馬粵西東疊獲梟渠瞻氣雄自愧安邊無遠略祇知報
國矢精忠鴛江細柳屯營綠犵路蠻花映節紅土寇海氛何日
靖舟車努力建奇功

廣西土匪謠

山巔石洞廣且深懸崖峭壁不容趾欲登鑿路或攀藤盜賊逋
逃恒聚此中多瘴毒氣陰寒晨昏雲霧山腰起淮軍湘勇失地
宜疾病難行半生死賊探兵民勢可欺月黑下山劫村市有錢
入會可保家無錢破家擄牛豕賊去兵來更可憐明知賊蹤不
敢指賊來傾囊猶得生兵來破家復遭燬如欲保民須練團派
兵防護同清理鄉團練勇力能支不憚賊氛禍方已治病必須
窮其源教養兼施亂乃止我曾電告岑制軍駐節左江將策擬
敢存五日京兆心早祈捷報 天顏喜

左江道署留別

勳業多從亂世來艱難困苦見奇材
萑苻未靖思良將

西各省匪

剿撫未淨前月復有綏遠軍三

賑濟頻籌禦旱災

在廣東省時

仁善堂各紳董力籌鉅款購米西上施賑平糶

欲靖閭閻巡警設

仿天津廣東章程在南甯倡設巡警軍

冀通時務學堂開

改左江兩南兩書院爲中小學堂

徘徊終夜慚才拙投匭求

言弊欲裁

轅外創懸壓積凡有辨槍等案可具稟投入

持節南來志未伸
匆匆瓜代又歸輪
橫州江上擒魁逆

在橫州江口擊

獲匪首羅二大王黃先鋒

那重灘頭訪善人

聞廣仁善堂伍紳押米赴陸安路經那重被劫

號令不

從非失算

調兵遣將剿匪護商陽奉陰違

訓辭廣佈渡迷津
招兵捕匪添新債

好積陰功答 玉宸

附武芝鹿廣文和作

羅浮侍鶴山人詩草

卷二

三十一

炎荒五月渡江來水陸歡迎管樂才察吏觀風崇治本飛

芻輓粟恤隣災下情深恐輿臺隔

監收粟以通民情

民智先從學

校開

裁併書院倡設學堂

爲靖萑苻無暇晷出奇制勝費心裁

修真有志未遑伸率檄南邕駐鹿輪西顧睽懷憂大局東

來說法衍疇人

公擬在鳳城仿西法設醫院議甫定已瓜代

行合羣義在聯同

種

公以義重合羣四字贈南甯廣東會館

遺愛名應字鄭民歸去羅浮看鶴

舞雙清堂上淨無塵

癸卯五月朔奉王芍帥札委代理左江道越十日舟過烏

蠻灘又名起敬灘有感

起敬灘頭禮伏波將軍廟宇徧西河烏蠻十里濤聲壯大嶺分

流雪浪多水激暗礁疑播鼓舟穿怪石似拋梭層巒絡繹成天
塹猛虎強獅奈此何

書東三省俄兵暴虐事

俄志圖北省法欲據南方昔創興亞會兩國頗驚惶

戊戌年初
春與滬上

日本領事創
辦興亞會

俄詢日領事何故意參商中西皆友睦邦交不可

傷冀我會不成迭問誰主張佯言廣貿易不貪人土疆假我旅
大口修葺乃舟航言甘似仁義心狠若豺狼動輒肆陰謀遑恤
背盟章所謀如弗遂壓以兵力強朝廷惟忍辱日月闇無光驅
人下河海視我如犬羊

驅民數
千下海

兵來佔官署兵去燬民房暴虐

竟如此何時天罰彰世界誰公道盜賊亦披猖謀生固不易何

處可行藏終受瓜分變何如戰疆場練團造利器戮力當勤王
弔東三省
民心似散沙西士笑中華不識合羣力偏工害自家爲誰除馬
賊迫我退官衙何日王師至災氓望眼賒

呈胡蘄生中丞

鯁生遯患難志大而術疎粗求經世學不甘爲小儒出門寡所
歡篋盈讒謗書豈無國士知執手傷歧途幽蘭非當戶亦復遭
刈鋤

問俗

入國須問禁入鄉須問俗勿犯人所忌同居方友睦否則怪無

禮笑我如野畜輕被責失言重致起驅逐官紳宜自重毋爲外人辱

霸王歌

中華五千年歷受外人侮王者撫四夷何反畏如虎矢口稱黃禍調兵保商賈實欲繼強秦志在佔疆土反是以爲非傷人說自取縱兵燬民房暴虐奚堪數祇圖畧地多不計殃民苦復想匡天下奉渠爲霸王懋遷恃勢力欺人如乳豎婪索不從心強奪兼用武群雄競效尤輕藐我政府官吏末奈何情同法制普爭學拏破崙與及元世祖不思未百年國破身被擄天道本無親惟德以是輔何分黃與白兇殘天不祐英俄德法文將盡譯

爲報懷哉葛蘇士令我氣一吐

送粵東撫部院李勉帥擢閩浙制府

衡嶽鍾英迥異常迭生名世應休祥轄兼閩浙新猷廣化格猶
黎舊澤長課吏有方崇治本備兵無患靖巖疆賑飢惠及西鄰
遠億萬蒼黔一瓣香

名臣風度本端凝歷遍崇階不自矜關權宣勤孚衆望柏薇持
正到今稱東瀛奉使頒綸綍南越分疆斷葛藤亮節英聲中外
仰在公猶復惕淵冰

官好難留可奈何粵風日下似江河檣蒲遍地民財匱荆棘盈
途盜警多正本清源資教養補偏救弊滌煩苛使君還我兼圻

願會見珠江綠不波

識荆滬上笑顏開
粵嶠重逢感化裁
商戰卅年知世味
宦遊兩
次值兵災未同流
俗櫻時忌爲守家
風不自媒臥轍留
鞭無可
獻賦詩聊比一枝梅

答朝鮮劉清嵐並寄奉天陶在東孝廉

上無大彼德中無英政府
下無華盛頓人材無可取
終日言富強於世竟何補
由是外人欺君民同受苦
急效法扶桑維新勿泥古
遲恐繼波蘭印度遂爲伍
奴隸我子孫何以對吾祖
上下勿徇私同心亟禦侮
愛國立憲法民情知鼓舞
方今東三省悽涼不忍觀
與其身家遭敵害弗如捨命酬君父

閱東三省俄國鐵路章程

外人入內地築路造兵房託詞防盜賊保護各行商大權操自
彼視我若犬羊各省恐如是先籌抵禦方

寄示長男潤林肄業日本

欲作人間大丈夫必須立志勿糊塗專門望習農工礦先哲辛
勞記得無

刊中外衛生要旨備急驗方書成題二十字

久病憐人苦搜羅簡驗方衛生中外旨編刻當慈航

書抵制美國禁華人入口

華傭出外洋政府無保恤勞苦得工資竟爲土人嫉譏我如野

蠻作工不守律嗜賭爭鬥多會黨名不一嚴禁不准來苛刻例
難述何獨輕吾華偏以爲口實相勸各自重公理要詳悉中國
農工商心同更志一勢力不用兵抵制亦有術來貨我不購僱
工我不出利厚我不貪兵威我不怵上下爭國體主權守勿失

自題戎馬小像

昔年戎馬粵西東曾探驪珠入海中

中法之戰曾探西貢等處敵情

彈雨槍林

全不顧要除暴逆救哀鴻

廣西之亂曾帶勇擊獲橫州匪首羅大王楊先鋒

保主權

立憲政體重主權權分上下居民主太阿不假外人持上下同
心拓土宇中國專制尙維新勢同彼德效易觀如何鼻息仰他

羅浮倚鶴山人詩草

卷二

三十六

人自衛奚殊偃引虎引得群虎自西來佯言爲我守疆土誰知
各自踞一方遂欲瓜分兼豆剖拒虎不得復進狼狼爲奸矜
跋扈主權反授虎狼操薦食何時能飽肚縱橫之術似春秋權
謀險詐悉難數財政大權在海關

海關稅務司
兼管郵政

商征郵稅供天

府專司總鑰爲赫德副以華員亦不許海關稅司用西人不是

西人不許雇西人懷私顧彼族往往蔑視吾商賈

洋船往內
地免驗華船

須泊關
前候驗

關稅所入繫度支國家命脉相依輔請看印度公班衙

國腦已彼英人監礦產五金中土饒權應採挖屬農部天生寶
穴不自開惟予外人縱斤斧利權盡爲外人握國旂變色紛紛
樹幅幟已在人掌中保護猶煩我卒伍鐵路築費借外洋工司

工匠由他舉縱然築得鐵路成保守何從固吾圉借款多時如
埃及邦交每易生齟齬一朝擊鼓動地來內外交攻孰能禦我
聞滅國有新法欲取先與爲基礎堂堂中國豈無人何以事權
偏授彼或謂西人操守廉華人好貨不足恃嘗聞鎮關有西人
名馬臣鎮江海關稅務司私購軍械謀不軌曾與會黨暗相通緝私受賄猶
常技中外亦有良歹人惟在權衡操諸己又如鐵路美工司黜
陟重權歸總理薪水十倍厚華人自應立品端行恥詎知以公
濟其私弊竇頗多尤鄙靡黨同伐異善彌縫顛倒是非任譽毀
鐵路未築先繪圖按圖購地有定指緣何圖綫屢改更測量不
准可知已軌道高下無參差平如砥兮直如矢工完時復高啟

新洋傳... 言...
低且未試行先傾圮藝學西人素精工黔驢之技竟止此華人
薪俸視西人何患良材無杞梓當道不識外彝情通商稅則徒
利彼大權日落禍漸生嚴禁華人往澳美招僱之日語何恭被
逐之日意何訾苛例翫立不平等凌虐吾民如牧豎弱肉強食
心理無惟有權力爲其武昔如狼虎今狐狸變相又復施狐蠱
或用猛力或陰謀我國利權思盡取動挾天子令諸侯亟效扶
桑保天子我今欲告主權人聽者幸勿嫌逆耳

訓子姪之肄業日本者

借地規則厲發憤做工夫堅忍方成器臥薪嘗膽無
立志在青年老來悔已晚須觀有用書學業身之本

蜘蛛能結網仰食愧爲人一藝不能學何由寄此身
失業因鴉片傾家爲賭錢富由勤儉積花酒勿流連

哀黃人

天地有正色建中皇立極黃人居中原世爲天下則底事爲白
人動輒遭反側只因弱役強保護不爲力慨自海禁開招工來
美國出洋人日多祇爲覓工食大埠開金山草萊闢荒燹黃人
爲經營商務冠南北豈料下社流不以我爲德焚殺肆兇狼災
患生不測苛禁我黃人不容履彼闖瓜哇非律濱一律令摧抑
英國號文明迎商有定式如何彼屬島現亦多驅逼

澳大利坎
擊打抽華

人身稅極重否
則不准上岸

俄佔我遠東虐民更殘刻戮屠如犬羊焚掠甚

馬賊公理豈全無禍心存鬼域列雄皆效尤分踞我邦域立約
尤不公讞訟多反仄黃人居外洋異族招忌剋定讞歸洋官罪
名任羅織白人來中華豈盡無邪慝犯罪隸回國按律究不得
黃白若交控狀師舞文墨黃人理縱長能使枉者直末吏顧考
成外人工偪勒瞻徇遷就多不計民智塞事或涉教堂索賠多
不實辦理如未善大吏任黜陟洋艦保洋商內河恣遊弋兵房
佔民居舉步皆荆棘最慘遠東人無辜遭殺殛災民空呼籲官
吏但緘默却爲狐假威遂教虎傅翼白人日益驕黃人禍益亟
再不圖自強瓜分當在即哀哉我黃人外患何時熄近傳南啡
洲民情剛且復又來招華工墾荒與種植黃人慣出洋踴躍去

如鯽當道立約章外交果洞識有無領事官保護設專職利益
宜均沾科條毋掎克中西准入籍相待儀不忒國體各遵崇兆
民自允殖哀哉我黃人教養無輔翊乏本作生涯無田供稼穡
飢驅涉重洋爲人力溝洫彼族多野蠻狠心少愷惻圈禁似豬
豚鞭策如犢特惡食雜沙泥破衣滅耍褌生爲異國奴死作殊
邦魘暴虐我華工暗如地獄黑當軸不聞問太平工粉飾前車
鑒古巴立約當謹飭國以民爲本安危繫社稷有民不知保驅
而納諸戢哀哉我黃人傷心罔不爽黃人不自哀吁嗟長太息

潘蘭史徵君以四十書懷寄示次韻奉和

採芝遙憶故山春魚躍鳶飛悟此身久羨通經稱博士

君隨使
西海洪

羅浮侍鶴山人詩草

卷二

三十九

文卿星使保送國子監可得典籍君未就

還容入社集遺民胸羅武庫傾東粵光炯

文星拱北辰按劍欲談當世事海天萬里溯伊人

麻姑介壽獻香醪遙馭飛鸞抱玉瓶曾泛仙槎游海國可堪杯酒勸長星釣菴三島波濤靜倚馬千言筆硯靈贏得新詩留異域雙鬟按譜唱旂亭

脫手奇文萬口傳杏花深處且停鞭絃摧錦瑟吟孫楚草映池塘夢惠連振策西樵游畫裏揚舲南浦落吟邊人間獨具迴瀾手未許青山枕石眠

何日歸田賦遂初迷途深藉指南車摛文敢詔千秋業變法猶

勤十上書

上年拙著盛世危言蒙鄧中丞敬進御覽

世運艱難餘太息人才海擢

竟何如華堂促膝知非遠先梁蠻牋問起居

題梁佩瓊女士飛素閣詩集

無端錦瑟溯華年憔悴黃門感逝川嘉耦宛如天上月一生能
得幾回圓

一曲離鸞最愴神畫簾微雨惜餘春棠梨滿樹開如雪不見明
粧覓句人

天長地久記相思絮果蘭因併入詩未免有情難忍俊遠山依
約皺蛾眉

飛素遺詩字字珠酒闌高詠喚仙乎長離閣外開生面想見冰
心映玉壺

友道歎

舊雨來申江憐余病且貧云受栽培久慚未報姻親今有生財
路集貲已足數預留股萬金稍遲則難附商戰數月間倍蓰利
可還屢中不可失藉此慰愁顏因爲發私蓄稱貸兼鬻屋電滙
恐稽遲不見一字覆逼託友坐收盤費須應酬僅敷收者費索
借據回頭復求一大老減息代追討易得股票回珍重以爲寶
庸知股息減貶價猶難沽股名弗許改意計皆模糊嗟哉人心
險貪利不知賤由來僞君子禮重言多諂

贈西蜀王仙巢孝廉

輞川詩畫冠詞宗西蜀應多閒氣鍾舌湧文瀾源汨汨

孝廉批
贈命紙

引子平命理
不下數百言胸羅武庫甲重重
命宮偃蹇知磨礪時局艱難起

臥龍回憶舊遊登劍閣巫山倚劍最高峯

觀風豈復望眞除泡影光陰悟六如
服氣未知丹篆訣鍊神承

贈赤松書孝廉來書教
以服氣鍊神歸山尙待雲中鶴
樂境閒看水上魚一

卷青烏眞妙諦慈航普渡遂懷初

與朱曉南觀察論時局

維新不立憲變法時紛爭聚訟盈庭
朝令夕改積弊終難改良材不易成

赴美肄業生
中途而廢因循遺大患粉飾累蒼生
政治如英德何虞外侮

橫

羊城感事贈李直繩觀察

羅浮待鶴山人詩草

卷二

四十一

賭劫紛紛起亂萌鄉愚械鬥輒相爭梨園花舫歌長夜醮會燈
場費萬籛教養未敷民智蔽萑苻四出客心驚觀風粵海頽風
挽雛鳳賢於老鳳聲

粵漢鐵路感懷

鐵路瓜分界羣雄詐力施利權非我握侵蝕有誰知

鐵路借欸不問督辦

任洋總
理支銷

伐異偏同黨因公以濟私鄉民頻叫苦

地價植房屋
補費減給動恃

力勢飲恨紫鬚兒洋匠往往滋事有槍斃人命偷騙等案

感事

特蘭士化國礦產五金多荷族先侵奪英邦復搜羅慢藏原誨
盜病弱故招魔立憲同堅守強鄰奈我何

甲辰客滬江作

我昔蒞申江利權拓商政甲辰復重來三易寒暄令人事已全
非洋場益繁盛烟戶似鱗排士女如雲靚回首鴻爪痕舊跡多
未竟却喜公學堂蒙童堪養正善會設救生中輟心猶病復集
諸同人買舟援溺命滬上善士多江浙人猶勁募捐合萬金好
義群欽敬有志事竟成安瀾欣共慶慈航渡衆生功德及游泳
書中國醫士訟師與泰西不同

醫道關生死律師定死生國家不立法任彼肆橫行人命時遭
陷家財輒被傾急宜開學校精益求精卒業給執照註冊紀
姓名堂訊有陪審貪官無任情病者得良醫人間少怨聲不才

紫芝作權
非好辯志在啟文明

庸醫

庸臣誤人國庸醫誤人命醫理本極微醫生何太盛懸壺遍街衢牌匾相輝映未讀王叔和自稱能去病不通靈素經粗識本草性秘授誇祖傳板方集醫鏡不圖貧者延惟冀富家聘偏補或偏涼藥常不對證殺人不用刀砮毒甚梟獍陷命律難容詎財罪尚輕亟設醫學堂考驗嚴功令良醫給文憑庸醫示懲儆爲國保生靈與民除陷穽

歸田官

致仕歸來好著書藉將利弊告宸居如何但作撈蒲戲滿道荆

榛竟不除

題潘徵君獨立圖

圖名題獨立救世大文章舉國皆如是何愁不富強
有才能獨立倚賴是無才富貴無他術都從發憤來

答福州含晶道侶

待鶴歸去來不與世馳逐爲無煉丹賞救貧復干祿爰邀兩知
交訪友三山曲同乘飛輪舟波靜魚龍伏水面如鏡平俯視深
且綠遠望數峯青三五分斷續遵海探奇境怡然豁心自訪問
商民性濡筆紀風俗

月夕值中秋船泊馬江頭地勢天塹險千門萬戶稠獨慨甲申

事元戎何失謀法酋曾肆虐鐵艦付東流韓范今何在澄清慰
隱憂我欲飛靈劍斬盡鯨鯢儔餐霞東道主酌酒談瀛洲不須
朝玉闕願與赤松遊

輕氣球

氣足球圓斷所紘扶搖直上御雲行平肩日月雙輪轉俯視山
河萬里清得到玉京仙佛並不須鐵杖鬼神驚有形未若無形
妙那怕罡風一霎傾

和懺菴感時原韻

國恥待誰除潛修讀異書道成驅虎豹時至化龍魚東亞銷兵
會西歐任我居萬邦歸一統高枕夢華胥

漢書言道迎善氣讀而有感

形上謂之道形下謂之器氣散爲人物氣聚爲天地有聚如無散萬物何從出有散如無聚天地亦閉僂大哉一氣中造化無不備陽施則陰受成形種族異修善氣清明清明生慧智智由性中生福自慧中致富貴大壽考皆性分中事性分中帶來前生修得至作惡氣昏濁昏濁變異類白起變爲豕禡后化蛟鱧此事信非誣史書多載記善觀人氣色知其善惡意

人之頭上有氣升長

短不一有黑白紅等色

同類氣相感西學有新義人血有鐵質惡狠血薰

熾遇雷爲所擊雷與鐵相食氣隨神所聚神去氣亦止頭上走馬燈爲人氣所使希聖與希賢悉從養氣始

自責

責人貴委婉含蓄毋太直自愧性方剛不容姦宄賊小忠而大
奸淫惡與吞蝕是以羣小愠到處被挫抑毀謗無中生詭謀不
可測清白天所鑒終荷鬼神力一朝遇知音不爲謠譏惑會當
奮南溟得展鯤鵬翼

衛生歌

屋宇東南向

或東或南
或東南方

門窗透日光

有日光到
潮濕不生

絨衣能護熱寢

室貴通涼

多開窗戶
呼吸空氣

蒸水除膠質酸燐益腦漿
檣檬宣胃汁果

實潤肝腸慾節精神壯體操筋骨強晚食宜少進晨酒勿多嘗
散步依昏曉遵行壽且康

贈上虞五誓齋主人

邯鄲夢醒復何求，時事猶煩借箸籌。
正氣歌懷文信國，小心景仰武鄉侯。
奕非審勢休輕舉，策貴知幾莫浪投。
晚節黃花期共曷，和光混俗免招尤。

余涉歷世事備受艱虞聊賦長歌以誡兒輩

余生負奇氣，浮華非所尚。
利不競，錐刀名未資。
祿養仗信屢見疑，守忠數獲謗。
蹀躞走風塵，敢云志矯抗。
境備歷艱辛，甘被俗人誑。
竊比盧惠能，涉世惟退讓。
抱一學長生，靜坐垂蕙帳。
邯鄲夢未醒，葫蘆畫依樣。
遙聞青城山，雲梯絕倚傍。
上隱眞仙人，時聞步虛唱。
何當拋世事，萬里遠相訪。
奈與素志違，難脫舊魔障。

回憶廿年來如蟻行磨上僮僕各營私懋遷資斧喪同儕懼貽
害詭言求摒擋厥後竟食言掉頭遠方颺落井復下石無風亦
激浪受累因同人罹災占無妄債主屢構訟經年未了當明恐
累知人變產悉代償忍耐學吃虧猶然不原諒置田傍申浦沙
擁灘日漲斯時適返粵織布局初創竟爲人盜賣陰謀不及防
達觀無所爭並出原契餉邇來地價增值金五萬兩指望開利
源商務日推廣仰慕姚啟聖汪洋徵度量生平具仁慈代人認
虧帑棄職復從戎百戰氣益壯萬里建奇勳超遷膺將相明德
旣日新多福自天降伏波誠子書言言均曉暢謹飭可保家游
俠終無狀慎言無怨尤輕諾最誑恣大凡勢利交雖親莫放曠

百事忌因循，一生免惆悵。仲由衣緼袍，顏子居陋巷。家貧道不貧，心清自無恙。垂訓戒兒曹，書紳莫遺忘。

讀泰西新史感言

專制重愚黔，愚黔如自縛。自縛手足乖，國勢焉不弱。國弱被人欺，大權日旁落。共和欲民智，民智多材畧。材多國富強，朝野懽聲作。上下悉同心，何畏強隣惡。喚醒夢中人，鼾睡當早覺。立憲自文明，傾頽因暴虐。優勝劣必敗，聚散由厚薄。普告秉鈞人，刻意求民瘼。

與潘蘭史徵君論時事感懷得五絕二十六首

立憲不可遲，羣雄虎視時。興亡在此舉，當軸漫狐疑。

官吏睡如獅士民賤似蟻若無下議院積習終難洗
畏人謗者云議院宜緩開何待數年後中華不乏材
歐洲舉議員首要問人格品學兼優者方能備選擇
列強圖支那受制如埃及變法諸大端一綫延命脉
土國仍專制利人不利己彼族欲愚黔動輒挾天子
昔者法蘭西議院立最早始嫌人格低終知固結好
列邦爭問鼎噬臍悔無及不信看波瀾難期憲法立
多少無書讀難籌十數金善哉新日本義學密如林
生寡食偏重國家焉不窮急宜開學校竭力振農工
廣開實學館研究農工商肄業分門類功專器自良

國弱強鄰迫體虛百病侵一劑服良藥振起固民心
邦交時變態如虎亦如狐狸勢非通曉必爲彼所圖
教養開民智國家自富強若如英德日何願不能償
各掃門前雪全無愛國心苟安圖自利大陸爲誰沉
新法何多阻都因礙老臣善哉元老院調濟免頑嚙
祇愛眼前利不知後患深民愚無遠識隣國故相侵
國民優勝劣霸術假仁義強奪託文明沾恩求大利
教習要維新監司欲守舊風潮由此生凡事戒鼠首
內訌招外侮黨禍肇風波貽笑黃髯客執柯以伐柯
少年有大志極欲挽頽風垂老未如願猶奔西復東

志士性堅忍豈無沈毅力事前討論精不懼人搖惑
奸邪多觸忌孤直不趨時世上誰知己歸耕鏡海湄
仗義必疏財急公忘却私平生犯此病妻子怨無貲
經營數十載小屋十三間自愧理財拙拋家欲入山
西林岑少保邀作出山雲母病方求藥吟詩謝使君

路礦歌

路礦之利普而豐裕民裕國財政隆泰西富強半由此獨惜支
那贖且贖廿二行省多寶礦五金耀日山色紅奈無軌道運不
出守府徒嗟國帑空懷寶迷邦不自保開門揖盜來羣雄外交
時復多遷就與國要求術愈工藉口爲我承路礦侵吾疆土邀

吾功當途不察輒輕許無異割地溝劃鴻法自越南入滇粵俄
從東北襲滿蒙德踞膠州畧齊魯英承漢口及廣東所餘各國
難枚舉路礦權歸彼掌中合興公司尤狡黠股票私售與比通
洋匠橫行斃民命工程陋劣違合同湘人發難爭廢約衆志成
城氣貫虹三省路權思共挽義舉洵足愧凡庸從此外人來攬
造我須力拒毋通融先籌善策儲資斧勿顧私囊祇顧公或分
地段招商辦獎資從優達 聖聰或撥帑藏先建築功成保息
召承充如無人釐息
國家補足紳商合股共分利稅仿歐西補正供中國
地大兼物博殷商誰不樂輸忠總之集股非無法取信先求有
始終若復予人縱伐斧何殊授刃滅社宗感懷路礦歌已輟茫

茫世事將焉窮

傷賭歎

賭乃盜之源此癖人皆詆胡爲蚩蚩氓痲嗜甘如薺破產及亡
家隳名復喪體耽此樗蒲戲男女防越禮女攤陣可迷劣紳館
又啟三冬賦無衣入口嗟缺米誰中鳩毒深雪盡滄江涕奈何
貲本流時髦誇濟濟納帑弛鉅禁籌欸陳當陞賭業承作商公
用以私抵餉重弊益多局奇眼易眯十輸難一贏萬貫沉海底
昨晨富百萬今日貧如洗父可訓其子兄可勉其弟哀哉阱斯
民此罪無可諉清夜試捫心忸怩額有泚

滬上救生會同人曾君少卿來電云美工虐待華僑請告

同胞以不用美貨爲抵制名曰拒約會賦此紀之

乙巳年孟夏滬上有志士吾友會少卿拒約不畏死因美虐華
僑苛刻無人理壯哉馮夏威捨生冀雪恥遺書囑同胞勿用美
貨耳以此爲抵制不廢約不已凡有熱血倫聞風盡激勵中美
絕交易嚮應遍遐邇美商頗震懾窺探我宗旨祇求准禁工餘
約皆可毀我答是友邦相待無人已往來須一律大道豈偏倚
昔增鴉片稅今年藏事起政府問英廷彼答商印使印度總督斯事
關華僑不宜商在此應在舊金山會商得原委既然延狀師磋
磨定所擬必須電各埠同胞無異議胡爲功垂成忍心敗中止
民志實可嘉國權失護庇嗟予病在床聞之痛撫髀

乙巳臘月羊城官紳集議粵漢鐵路風潮陡起紀事

會議有定例無論官與商搖鈴各就位肅靜戒諠狂主席居中坐議員坐兩旁觀聽人坐外環列數十行先由主席起布告會宗旨互相辯論明數以多者是如有言不合卽令勿啟齒主席令不從驅出而已矣會有糾正員不許亂離羣復有訪事者旁坐記所云登諸日報紙優劣自然分劣者衆所詆優者衆所欣乙巳歲臘月鐵路起吾粵當道議抽捐官紳致衝突委員叫拿人拍案罵無欺總辦當主席奇哉語不發

虐婢歌

萬物人爲貴國家當教育犬馬尙愛惜婢僕何殘酷若是不聽

教宜送自新局暴虐必招殃上天報應速英美放黑奴國強而
富足禁止賣人口五洲皆欽服遠作野蠻看遵是文明族西例
已偏載華律宜纂錄

贈伍秩庸唐少村兩星使

剛柔互用伏戎羗澤被梯航政益彰憲法新編維地軸

新定清律憲法

英文極品破天荒

曉英文而官居極品者自公始

欲存國體爭交涉爲憶家居

論古狂漫說長生惟茹素要叅佛偈讀仙章

答陳藹庭觀察論稅員

海關稅務司各國皆獲用惟吾中華人學優選不中託詞作弊
工寔因非同種公理已淪亡欺侮何偏重太阿成倒持言之有

餘痛

勸農歌

中華曠土多夫豈非官守農人終歲勤穀熟盜焚蹂

廣東沙田耕農被盜

勒索不遂懲糧不保農試問誰之咎法堂設巡警砲船守浦口

香山圍田招墾定新章承墾分先後免稅若干年歲闢若干畝

時被打單田成作己業照章事無苟如違卽注銷業歸他人有藉此警游

惰亦可別良莠天時與地利化學深研究礮瘠變膏腴肥料美

稱首美國新豐收數倍餅機器制新巧便捷勝人手嘗聞東三省土

肥失耕耦一望千萬頃田原荒蕪久況富五金礦林森物並阜

南省近海隅魚鹽亦利藪彼族欲東來我何向西走急講殖民

術期莫負君后復設審珍會獎勵較妍醜農牧爲工本工是商之母非但利民生國餉資豐厚

廣州商務總會告成擬設工藝院紀事

甲辰夏五月組織總商會聯合衆商情免受外人害集股共維持苦口相勸誠天演有公理優勝劣必敗生當商戰時衆志胡可懈工藝須精良種植宜蔚薈上下弗謀求大局成危殆土物日銷磨洋貨盡綺貝利權歸他人財竭應負債動輒被欺凌束手嗟無奈衆商聞我言晨鐘醒夢睡拍掌表同情聯名欣投蓋商會今告成扶中等制外擬創工藝院收養及窮丐旣庶加富教宣聖言猶在試看東隣與合力團體大富寓農工商人材國

所賴獎勵有良法自古否復泰漫詆下議院其中多駟儉

粵漢鐵路風潮歌和大埔李穀生韻

丙午歲三月熒熒值居憂廣東集路股協衆運同籌公舉總副
理未雨先綢繆努力盡義務約期歲一週股欸若招足潔身入
羅浮詎知股逾額違約仍挽留忍辱爲大局分謗慨無儔章程
未盡善改良願難酬十羊九人牧龐雜不自由邪正詎相容風
潮安得休假公以濟私直是罪之尤大局成瓦解利權入西歐
何如泯意見協力同心謀平心忘毀譽公道無恩仇惟望鐵路
成毋爲中國羞

粵路感事

直道不能行所苦快在口規過人所憎勸善人不受以此遊人

間往往致愆咎獨立無援繫周子言非偶

周仰琴等笑無黨援

知音良獨

難操瑟等擊缶自省本無私黨援何必有顧我即顧公惟問盡
職否有道以爲然財貨不可苟古來忠正氣可以貫牛斗旁觀
笑其迂安得縮印綬所以名利虛產業不能厚見識各不同品
性自天授書此叩彼蒼皓月爲吾友

自任路政備受謗言大局已定潔身而退賦長歌一章見

志并示同人

翳昔讀古書敬佩董生語明道不計功正誼不謀利壯年思設

施持此涉當世籌邊佐軍門

曾佐彭剛直公軍務

商輪維國計

分總辦招商局輪船

事

兵備縮桂林左江任繁劇

署廣西左江兵備道篆

陶潛賦歸來鐵路議

紛起粵漢路南幹往歲曾總理

曾總理粵漢鐵路購地局

利權歸美商動輒

受挾制哀歌告邦人慷慨言茲事咸知患灼膚人人心憤厲自

從新法行民權已萌蘖况值美公司資本告匱缺乘機議爭回

協籌自辦策官民表同情上書請議決政府商美廷端仗使臣

舌

駐美公使梁誠

備贊准贖回楚粵同懽悅共議集款方合謀公利益

疆臣張與岑公忠能體國路政賴維持股款資擘畫岑公令健

者恩威震南粵岬起代表人

黎公聚公

非罪緹縲羣情怒洵洵大

勢幾決裂幸有許尙書登堂爲演說

許筠庵尙書往明倫堂演說

勸人毋暴

動路股須速集善堂與行商苦心費組織公舉總辦後入股更

踴躍

未舉總協理時共計招得十萬股現已招得八百數十萬股

中外諸紳民臂助俱得

力論事貴持平公道毋可失好事笑老夫亦忝與厥責前爲啟
發人眼見事成立尤幸願已酬息肩當有日况復身多病煢煢
在墨絰長揖歸田廬潛修丹經訣無奈解脫難同人勸勉切岑
帥更挽留權許一年職章程第十條奏表明心跡祇求大局成
事權附賢德依然賦遂初名山訪黃石何圖事變生疆帥忽更
易水火起局中樹黨相攻擊疑謗幻樓臺百口莫解釋喜未操
財政皎皎礪清節川潰口難防天高心可白自憐德望輕勞怨
將焉避此任重千鈞欲行行不得誰爲知己人解我心蘊結權
理屆滿期開會約在即合衆舉賢能辭命諒可獲唯願風潮平

唯願銀行設學堂培人才鼓鑄鍊鋼鐵繩勉同經營路政奏偉

績破懷胡忍心大業中道蹶利恐歸漁人相持成蚌鷸

時議有歸官辦

理之說

同心何齟齬異議多扞格一敗與一成榮辱須審擇慚愧

謝同人歌此明心臆扁舟吾去矣歸弄羅浮月

書免掛銷號禁白鴿票二事

有序

粵東病商害民以掛銷號稅白鴿票爲酷紳民請裁請禁
久矣岑雲階宮保瀕去任力陳卒得 旨允准粵人權

聲載道其實出督署幕府前南海縣姚伯懷力也憶余
與姚大令同往勘粵路美工程師索開南屬之壺蘆岡
石山舟次縱談白鴿票與掛銷號稅二事爲病商害民

大弊乞代陳岑督籌抵免抽嚴禁大令歸復與幕友高
而謙岑盛之二君會商因請岑督先將白鴿票奏飭嚴
禁惟掛銷號歲繳銀八萬兩方能奏免省佛廿餘商號
簽名擔認余與左小竹京卿代省佛各商具稟遵照辦
理並乞管稅大臣唐少村侍郎維持冀除積弊幸商會
各當道均以恤商艱除民害爲己任數百年積弊一旦
悉除各鄉貨艇不下萬艘欣無留阻衆情鼓舞全粵之
幸也爲紀以詩

掛銷號稅眞邀免白鴿票場永不開起點壺蘆岡上客贊成大
府幕中才百千鄉艇欣無阻八萬金錢惜未裁歌誦皇仁依部

議去思碑立越王臺

寶藏感懷

吾鄉多寶藏合力同保守因其有利害所以不致苟立法極嚴
明包羅無弗有凡事集衆思用能辦良莠羣雄雖覬覦畏我團
體厚列強雖狡獪菴菴其拒不受風霜任蝕侵日月絕塵垢合羣
能自存大名垂不朽治國亦如斯立憲方能久遲恐悔無及浮
雲變蒼狗祇要有人格何待十年後因循誤至今尙復不知咎
危急存亡秋羣雄思豆剖濡筆和血書痛哭告我后

懷王爵棠中丞並呈盛宮保

宏羊懷抱匡時志知我無如鮑叔牙詩史未能追李杜著書欲

學賈長沙

口占留別粵漢鐵路公司董事 并序

丙午秋公司成立集股過額價亦飛漲老喘復發稟請
粵督飭董事另舉賢才承批勉留臥治仍踐原約固辭
功成身退吾何敢踐約今當老病休大府愛才難臥治秋風濠
鏡放閒鷗

追感彭剛直公

憶昔追隨辦粵防方平威望鎮邊疆虎門礮壘公常在鯨潛羹
湯我共嘗

公駐兵大鰲潛將士
菊花羹賜諸將士

笑畫梅花留紀念委探柴棍返

商量

土人呼西貢曰柴棍
公命往偵探情形

衡陽逝後無知己回省魚珠欲斷腸

羅浮借鶴山人詩草

卷一

五十五

公守粵時在魚珠所築水關今已拆去

輓王爵棠中丞

湘軍勁隊守瓊州定蜀平蠻免外求撫粵口碑懷李廣使俄手
澤繼會侯桂林餘匪聞猶熾珠島黎民念不休忽聽將星南楚
落淒涼同學紀勳猷

與公同侍彭剛直公帥幕

贈陳省三觀察

粵路起風潮片雲易陰翳衆口成鑠金敢說無私弊憶余忝總
理自識難抵制力辭衆弗許官商責幹濟謂須顧大局豈惟桑
梓計商辦若不成瓦裂誰罪戾政府抱杞憂外人常睥睨欲謀
大公益何必論聲勢勉力爲其難當道允護衛強登大舞臺一

任虎狼噬惟虞負所託策躬益自勵仰賴力維持大才匡不逮
尤幸各紳商多識吾世系不爲謠詠惑入股心更銳數增一倍
餘百事遵商例公司已成立卸肩謝時世義務盡一年原欲免
排擠擬從赤松遊利祿不我繫回溯賢太守才德龔黃繼福力
能自全深淺任厲揭判牘無私曲謀事有智慧三領五羊郡愛
民如子弟去年鬧搶米平糶發官幣今年告水災施粥挽流殮
集議工代賑修堤堵河澁救饑復拯溺捐廉又免稅大府美所
請鴻恩錫自帝德澤徧廣肇勛名蓋天際浚擢勸業道更恐言
路蔽委員接商人研究農工藝添設製造廠貧民沾實惠豐功
偉業多愧未得詳細容作去思碑貞珉永不替

清明追感三子幼殤

桂折蘭摧長恨情傷心此日是清明一杯酌汝知何處命若蜉
蝣勿再生

赤子何辜屢幼殤愴懷欲問轉輪王最奇死值吾生日天道難
知似夢塲

輓韋文圃

滬商稱善董大義播華夷告老食長俸芳名去後思出言眞恍
爽遇難必維持忽聽爲神去

夢神請
接任

淒涼復解頤

贈潘劍士

酒興詩豪一散仙醒時工部醉青蓮投荒不讓東坡老游倦歸

來月滿船

君獨游
竹仙洞

大文醒世本平和惟是詩人例坎軻究竟浮雲難蔽日須臾復見舊山河

附潘劍士和作

能住名山即散仙愛公舌本擁青蓮道書準備三千卷九子潭邊好放船

擊筑歌魂起大和更求劍術訪荆軻羔羊白酒吾能醉昨夢軍聲喚渡河

戊申夏秋大病屢瀕於危感懷寄匡廬居士

前生恩怨看妻兒聚散悲懽有定期夙債清償人已老何時提

拔赴瑤池

故友頻亡病屢危
杳中警報不容遲
速修更比龍眉切
稽首匡廬淚欲垂

戊申冬久病未痊感懷

願學旌陽煉劍方
掃除魔障試鋒鋦
羣雄震懾于戈息
萬里誅

妖一電光

末句張紫陽語

久病都緣醫藥誤
何如家學祝由科
按摩導引兼符水
著手成春療宿疴

寄贈沈星海觀營

侯官道法繼旌陽
求雨依期救旱荒
德政口碑歌楚郡
奇門神

技懾秦狼

同學龍公赴日本閱操
曾試其神技外人震懾

因人受累憐同病愧我修真

苦備嘗亂世功名何足羨相期歸隱白雲鄉

壽鄧宮保小赤師

順德尚書未爲奇中丞宮保自公始鄉舉重逢八十一

兩宮得奏天顏喜頭銜特錫念勳勞更許歸田樂桑梓今年淫
雨決基圍水高於屋其魚矣萬民無棲露天宿澤國茫茫走千
里公爲災民登會場語不成聲淚不已賣物場中慈善會價添
十倍猶未已公爲善長振臂呼各埠聞風亦興起以工代賑修
隄防力挽狂瀾不再圯可惜各縣無工師地當孔道無人理低
窪不獨行路難強隣蠶食亦在此回溯昔賑順直災公任雲南

最稱美捐廉慨助人罕知菩薩心腸有如是陰德耳鳴福必增
富貴壽考天所使祝公百歲我登堂蓬島歸來獻甘旨

景皇帝挽歌

嗟我

景皇帝聖德邁唐虞天潢繼大統五載陟閔區乾綱承

毅廟

文母定皇圖冲齡膺大寶郊祀敬以愉回氛扇西鄙簡帥命馳
驅一月奏三捷拔擢荷恩殊酬庸畫紫閣入相居黃樞萬里銷
鋒鏑獨斷仰宸謨南顧啟法岬疆圉杜覬覦諒山奏鏖凱瓊島
慎師徒能和亦能戰如火復如荼羈縻欲勿絕大智信若愚東

瀛事兼併異轍實同途帝篤念屏藩經營重海隅平壤燿金甲
三島騁甲艦隣國禍久伏上相謀乃懸干戈易禮幣條約當不

渝下詔廣言路愛國出野夫危言邀乙覽飭布化拘迂

拙著盛世危言

由郵官保孫翁兩相國進呈荷
乙覽飭總署印行字內

大局窮思變維新帝曰愈中興

根教育融液道之腴武功先步伐文學首之無帖括盡淘汰弓
刀戒執拘九洲徧學校四裔返鴻儒拳黨誰所縱忍不教而誅
端莊誠跋扈剛趙肇逃逋蒿目烽連火關心鼓并枹狼奔犯殿
闕狐嘯及稜觚西狩風傳警東旋日未哺約自親賢定恩深罪
不孥殷憂益啟聖勵精神易殂神功卅四載方冀慶覃敷堯年
竟不獲穹蒼阻顛呼鼎湖龍上馭薄海淚成枯丹心縈譜牒白

髮哭江湖猶幸垂簾聖倉皇立帝模賢王賴監國仁政後來蘇
立憲期諸速日月手重扶小臣拜草野望治效歔歔

題潘蘭史徵君畫梅次韻

瓊樹經霜色更新冷香入座四時春冰魂玉頰舊相識我是當
年踏雪人

附潘蘭史徵君原作

風骨棱棱老更新空山獨放不知春愈經霜雪身逾健豈
與凡花媚世人

羅浮待鶴山人外集

談玄詠

羅浮山人鄭官應陶齋

聞道自勉

三教道無二旁門有萬千不知周易理必墮野狐禪
世傳千載鶴狐鹿亦可仙人何不如物壽罕滿百年
魔隨私念起百病此中生心死神方活返觀見月明
萬籟聲俱寂端居似坐禪坎離交媾樂猶勝伴花眠
性要閤中煉外圓而內方抱元常守一陰極自生陽
修真難亦易由我復由天若不積陰德羣魔作障緣
金丹無價寶父子戒輕傳授不論貧富惟憑德與賢

羅浮待鶴山人外集

北派功清淨須臾不可離南宗栽接法老弱最相宜
清淨非頑空栽接需奇器氣交形不交橐籥法天地
花好看將放蛾眉月出庚黃鸞歌報曉人靜水澄清
陽火升從子陰符降自午一周十二時調燮分文武
鉛生於癸後陽產在鉛中信至依時採真金透鼎紅
黃白神丹論擒砂祇用鉛砂鉛非鑛產一炁本先天
半斤砂裡液八兩鉛中精二氣相交感西隣寄體成
九池九鼎後砂死汞能乾三轉黃巖土點金誠不難
神室黃巖鑄金溶火化中丹成功行滿拔宅上天宮

聞道漫成

浮生若大夢富貴無窮期知幾師範蠡冲淡慕希夷名與身孰
親殉名良可悲愛身爲天下藏器姑待時清爲濁者源靜是動
之基知白守其黑雄剛播於雌歸根復天命常德不可離處中
而制外無爲無不爲

答汀洲理學社王孝廉胡茂才諸同人

讀書爲窮道三教有精義得訣當自明燦然無不備
多難因豪俠奇窮見性情好名猶有我無我亦無名
無我還眞我心異道心危微十六字千古一知音
守中不可離造次必於是應物本無迹我心如止水

寄羅浮蘇道人武夷沈居士

飲罷蟠桃酒仍須嚙玉津口傳眞妙法河車若轉輪
紫府石函記無私法乃靈飛行如電閃變化可潛形

讀呂祖師海山奇遇有感

宋將姚平仲戰敗走深谷青城遇鍾呂令彼洞中宿靜養九九
天出神知禍福鍾日是陰神終歸生死錄金液乃陽丹授爾須
混俗試看薛道光仙躅誰能續

望辛祖師有感

駟馬尚可繫去日難以追王侯未足貴位高勢愈危妻子多俗
累轉眼皆同歸詎如參大道跨鶴游天池眞仙何日邁瞻望苦
縈思青鳥忽相告速修猶恐遲潔身仍小節扁舟訪鷗夷

四十初度感賦

世人笑我何學仙我欲九祖同昇天嚴父古稀尙矍鑠萱庭見
背已卅年食貧茹苦撫吾輩寸報未獲伸庭前子孫富貴有何
益建醮齋僧亦徒然旌陽昔日登仙籍全家拔宅萬古傳世間
大事莫逾此忠孝當知事弗偏康節潛虛師呂祖留侯燕相皆
英賢學道何嘗身獨善窮通得失樂隨緣

贈壺中天諸友

名利未忘猶著相伎求盡泯欲無詩真人指我迴瀾訊終日如
愚獨守癡

備歷冰霜志益堅能空萬念卽神仙浮雲富貴須臾事靜對梅

花不計年

登呂祖閣

訪道尋真數十秋，東南西北獨遨遊。
苦心畢竟天不負，得訣歸來雪滿頭。
悟徹色空登彼岸，難忘花月下揚州。
駒光如駛囊如洗，叩罷仙師悵倚樓。

仙經云法財侶地缺一不可賦此代柬答張道友合泰

人生字內似浮漚，急訪明師跨鶴遊。
萬卷丹經須口訣，莫憑臆度誤閻浮。

得法無財告上蒼，何年獲遇馬丹陽。
道光幸倚張環衛，功德雙成姓氏香。

英雄退步卽神仙勇往何人效昔賢結伴宜招生死侶莫交碌碌浪談玄

自古名山面壁場洞天福地好潛藏須知赤縣神州境卽在通都大邑旁

讀悟真篇云不求大道出迷途縱負賢才豈丈夫又云大藥不求爭得遇遇之不煉是愚癡賦此誌感

鉛汞足時貧亦富精神衰弱富猶貧須知栽接非邪術不識元機莫誤人

解脫海蟾辭相位丹陽遠隱棄家財煉丹若是貪名利千古癡人喚不回

五十初度感懷柬同志青城羅浮道人

五十年華瞥眼過神仙富貴兩蹉跎著書豈爲留名計煉劍將
祛亂性魔縉檢韜鈴驅虎豹波翻江海懾蛟鼉遲余買得岩阿
地靜室潛修互切磋

世欲希道德而又不能忘情於酒色財氣故作四箴以自
警兼勉同志

酒是消愁物詩人慣與親微醺能助興過飲便摧神遘難悲金
谷因媒眷玉人黃壚常憶舊紅友漫爲隣罵座終貽禍侵宵最
損身編經題百悔清吳錄劉乙嘗醉與人爭妓既醒漸悔集
古今因酒致失者編以自警題曰百悔集宴
客僅三巡病葉狂花喻風燈石火因既知能亂性修士勿沾脣

傾國更傾城身家共一傾
溫柔伐性斧沉溺陷人阮禍水懲千
古迷津誤一生雞鳴催雨夢狐媚逞風情
命注紅顏薄禪參白骨輕厭聽金縷曲
絕意玉釵聲漫賦桑中喜宜師柳下貞
修真非若是安得大丹成

見利當思義行賅不憚勞
羞言阿堵物莫逞孔方豪
金埒譏王濟錢神笑魯褒
官嗤貪墨敗奴鄙守財牢
富已同千乘慳難拔

一毛欺貧權子母肆虐吮脂膏
癘重和長孺

晉和嶠字長孺

廉稱孫叔

敖孰知鉛汞足囊澀亦清高

唾面堪師德忘情阮嗣宗
慎言能履道侈口每興戎
莫按驅蠅劍虛鸞落雁弓
胸中消芥蒂胯下屈英雄
頤藉微詞解冠嫌怒

髮衝再思裁季子百忍守張公漸滅心頭火休聽耳後風由來
成大業折節學卑躬

晦朔有感

集張真人句

月本無光借日光顯從晦朔定陰陽神交體隔誰能會對境忘
情認本鄉

靜坐

如醉如癡物我空杳冥恍惚氣冲融
憧憧來往魔千伏低首無
言拜下風

中宵復至天開子五鼓平明人在寅
要退睡魔盤膝坐垂簾塞
兌靜凝神

寄西蜀黃瑞亭先生

景仰先生道德高心香遠祝夢魂勞曾聞救衆消兵劫更荷飛

書佐節旄

昔年聞四川總督駱官保委帶被害灌河潛水遁有

恨先生久不傳授同行至灌河幽居蜀嶺藉禪逃何時得授金

丹術西望慈雲感二毛

自遣答無名子有路山人

夢醒黃梁不計年著書往往慣逃禪徇名逐利甘居後見義當
仁不讓先任俠每多朋友累飛灾徒爲繳官錢備嘗艱苦心尤
定籌賑依然告大千

與滬上黃孫兩道友

欲泛張騫海上槎同盟會約訪仙家精誠不怠天終格積善應
知福倍加富貴浮雲原是幻松喬長日樂無涯如何爲德偏難
卒獨抱冰心對月華

師友疊勸出山書此答之

百年光景五旬過勳業無成兩鬢皤昨遇至人傳一語忘形忘
物養冲和

道成法備救蒼生四海何難奏底平不忍海氛重亂日哀鴻遍
野客心驚

與高要梁見真

修真心既空名利肯爲兒孫作馬牛重道輕財能實踐自同宜

甫上瀛洲

採戰傷生誤鼎爐誰知一炷產虛無身中造化非枯寂識得些
兒是丈夫

蘭花盛開垂珠欲滴聞有吸以養顏者賦此遣興

花珠甜似蜜採吸貴知時西望蛾眉月無情有所思

丁酉雜感

禍兮福所倚甘向苦中來居易以俟命詎貪不義財
養性鶴棲松驚心駒過隙衛生豈不知人境苦多厄
藥產坎離交樂如鼓琴瑟關通行火候沐浴兔雞臨
多難似磻溪亦因福慧薄邱師應我憐同赴紅霞約

學道行陰隲有容解夙寃湛然心不動得一煉三元
命爲性所主性卽命之神道器本相濟玄膚論最眞
不向今生度何生度此身誠勤恒不輟仙佛我同人
吾師回道人無爲無不爲三復敲爻歌知者果伊誰

述道篇散步 孚佑帝君呂祖師敲爻歌原韻

浮生逆旅身爲客萬象無心不可測識得本來面目眞色亦是
空空亦色身是骨心是肉身心所嗜皆成慾人心能作道心看
食氣豈惟充口腹仙洞酒天厨祿心游萬仞無拘束拘束豈是
修行人我代修行人一哭絕名利戒嗔淫蒲團枯坐仍消沉蒲
團不是長生具欲乞長生原在人得道人自了漢覓財覓地覓

同伴西南地內有良朋坤元先把爻辭玩敲爻訣飲瓊漿萬古
丹經大道昌此經無字亦有象解人難索思還鄉還本鄉吾是
客他鄉不比故鄉樂同類仍尋故里花有情卽是長年樂收藥
物採花心先天祖氣回陽春一陽初動月華現此時一刻值千
金千金寶在虛空虛空本是萬物宗巍巍天地惟始氣吾身亦
有崑崙崙崙崙峯有何物杳杳冥冥生恍惚恍惚之中信最真
內產金華堅玉骨堅玉骨識金根前三後三天地春天地斡旋
憑兩卦日月積累成一斤採月信轉星宮眞鉛眞汞坐垂溫神
劍鑄成能斬鬼仙丹吞後又還魂日逢望月又生金鼎玉爐一
處烹妙理細參新日月元機重整舊乾坤庚未生甲未生庚甲

未生道未萌先天三日分明說不解先天道不成庚既生甲既
生乘機下手汞鉛烹一般鉛汞分六候此是先天太乙精三家
相見一團圓火候無差道始傳煉已先須金玉汞得丹終要索
金鉛鉛就汞汞留鉛鉛汞能凝我掌權霎時停蓄爲夫婦兩土
相搏共一團性要定情要專金情木性互援攀先向源頭分潔
濁更從火力辨抽添十二時火力爍分文分武惟守一兔雞沐
浴謹防危守定丹田休暗泄丹已得仍要煉中央築就長生殿
溫溫養足十月胎刻刻還將九鼎煉刀圭霑形貌變伐毛洗髓
年年遍黃芽白雪滿地生番風廿四排花宴丹頭結道初成垂
簾塞兌不聞聲此日無爲人共見當時有作誰能形移一爐更

一鼎地元變化重開境兩箇乾坤互坎離二弦水火交壬丙丹
又結道大成此去天仙只一程五千四八相逢日黍珠一粒通
天靈通天靈頃刻成一片冰壺貯水晶臨爐銖兩不可失密視
深窺辨至誠窺測準得清真其中藥味惟平平平乃是通靈
寶誠則能通通則靈彼自送我自迎迎送之中伏至精和同一
象惟一氣一氣廻環入紫城相調合細調停倒挽天河到上清
醍醐灌頂渾如醉沈澹交凝白玉京罷爭戰戒滿盈顛倒乾坤
二氣瓶雲中白鶴翩翩舞火裏青蓮頃刻生萬法空一粒餌羣
仙拍手同歡喜此是仙師親口傳莫空悟此參同理悟此理解
煉丹初階學步先通關築基煉已循序次入室功夫不等閒未

入室難成就早下功夫早尋偶知之不煉是愚癡人生豈有百
年久達此訣非尋常萬劫難逢覓至陽下手速修猶恨晚不煉
何能答上蒼急擇地快駕輿入室方知道不虛道不虛傳吾豈
妄此訣簡易原無奇翹望天心原了了虛空粉碎一物無一物
無急入道從今改換尋常貌盡將世事付飛塵尙望眞師垂戒
誥望師誥鑒此情許我肘後飛金精消除煩惱魔障滅超出人
天神鬼驚散爲氣聚爲形九萬雲程比掌平已嘗甘苦人間味
願結因緣天上榮尋善士訪丹財同安爐鼎脫凡胎普願龍沙
同大會會中倘許待吾來修真願不妄說妄說願將身祿折欲
擔大道萬觔肩先辦誠心一點血誠心人發願切盼望仙師垂

手接此生何處求長生不得長生不肯歇問功行自思量五十

年來無寸長當仁不讓今猶昔無限良謨獻守疆

會著易言得危言等書

口訣識眞常履薄臨深不敢傷愛河慾海思超劫利鎖名韁欲
散塲窺陰陽知妙竅師自心傳我自要何時脫網入蓬萊尙望
九天丹書召道何道我何人立願求仙先濟貧萬緣屏絕萬慮
息此念惺惺志不分貪可除嗔可改不欲將身淪苦海海蟾丹
陽富貴人何時離塵全不睬彼非賤我非尊豈爲老諄戀子孫
入山倘遇橋邊侶出世焉知馬後塵覓汞鉛調水火珍重此生
須早計由人笑罵我方酣下土蠅聲空鼎沸得至道免沉淪優
游月窟與天根三十六宮春意滿不知何處長隨君君不見我

新學集卷之四
方悟不識仙方誰肯做知之不易行更難不辦誠心行不去急
抽身莫回顧但願仙師時救護一笑相逢入我門我門祇有回
頭路先修性復修命性命雙修除百病一念能消千丈魔但使
超凡終入聖接命根還本性此理天人同一鏡星辰手握洞房
春倒轉銀河操斗柄敲爻之理玄又玄本是中流度法船我今
聞見廣此語要憑後起接薪傳

附錄 呂祖師敲爻歌

漢終唐國飄蓬客所以敲爻不可測縱橫順逆沒遮攔靜
則無爲動是色也飲酒也食肉守定烟花斷淫慾行禪唱
詠脂粉詞持戒酒肉常充腹色是藥酒是祿酒色之中無

拘束只因花酒悟長生飲酒戴花神鬼哭不破戒不犯淫
破戒真如性卽沉犯淫喪失長生寶得者須由道力人道
力人真鐵漢酒是良朋花是伴花街柳巷覓真人真人只
在花街玩摘花戴飲瓊漿境裏無爲道自昌一任羣迷多
笑怪仙花仙酒是仙鄉到此鄉非常客姪女嬰兒生喜樂
洞中常有四時花花花結就長生藥長生藥採花心花蕊
層層豔麗春時人不達花中理一訣天機值萬金謝天地
感虛空得遇仙師是祖宗附耳低言玄妙旨提上蓬萊第
一峯第一峯是仙物惟產金花生恍惚口口相傳不記文
須得靈根堅髓骨堅髓骨煉靈根片片桃花洞裏春七七

白虎雙雙養八八青龍總一片眞父母聚中庭金公木母
性情溫十二宮中蟾魄現時時地魄降天魂鉛初就汞初
生玉鼎金爐未曾經一夫一婦同天地一男一女合乾坤
庚要生甲要生生甲生庚道始萌拔取天根並地髓白雪
黃芽自長成鉛亦生汞亦生生汞生鉛一處烹烹煉不是
精和液天地乾坤日月精黃婆匹配得團圓時刻無差口
付傳八卦三元全藉汞五行四象豈離鉛鉛生汞汞生鉛
奪得乾坤造化權杳杳冥冥生恍惚恍惚結成團性
要空意要專莫遣猿猴取次攀花露初開切忌觸鎖歸土
釜勿開關玉爐中文火爍十二時中惟守一此時黃道會

陰陽三性元宮無漏泄氣若行眞火燦莫使玄珠離寶殿
抽添火候切防危初九潛龍不可煉消息火刀圭變大地
黃芽都長遍五行數內一陽生二十四時排珠宴火足數
藥方成便有龍吟虎嘯聲三鉛只得一鉛就金葉仙芽未
現形再安爐重立鼎跨虎乘龍離凡境日精纔現月華凝
二八相交在壬丙龍汞結虎鉛成咫尺蓬萊祇一程乾鉛
坤汞金丹祖龍鉛虎汞最通靈達此理道方成三萬神龍
護水晶守時定日明符刻專心惟在意虔誠黑鉛過採清
眞一陣交鋒定太平三車搬運珍珠寶送歸寶藏自通靈
天神佑地祇迎混合乾坤日月精虎嘯一聲龍出窟鸞飛

鳳舞出金城硃砂配水銀停一派紅霞列太清鉛池迸出
金光現汞火流珠入帝京龍虎媾外持盈走聖飛靈在寶
瓶一時辰內金丹就上朝金闕紫雲生仙桃熟取吞餌萬
化來朝天地喜齋戒等候一陽生便盡周天參同理參同
理煉金丹水火薰蒸透百關養胎十月神丹結男子懷胎
豈等閒內丹成外丹就內外相接好延壽結成一塊紫金
丸變化飛騰天地久丹入腹非尋常羣陰剝盡化純陽飛
昇羽化三清客名遂功成達上蒼三清客駕瓊輿跨鳳騰
霄入太虛似此逍遙多快樂遨遊三界最清奇大虛之上
修真士朗朗圓成一物無一物無惟顯道五方透出真人

貌仙童仙女彩雲迎五明宮內傳真誥傳真誥話幽情只
是真鉛煉汞精聲聞緣覺冰消散外道修羅縮頸驚點朽
骨立成形信道天梯似掌平九祖先靈悉超脫誰羨繁華
貴與榮尋烈士覓賢才同安爐鼎化凡胎若是慳才並惜
寶千萬神仙不肯來修真士不妄說妄說一句天公折萬
劫塵沙道不成七竅眼睛皆迸血貧窮士發誓切待把凡
流盡提接同赴蓬萊仙會中凡景熬煎無了欲塵世短更
思量洞裏乾坤日月長堅志苦心三五載百千萬劫壽無
疆達聖道顯真常虎兕刀兵更不傷水火蛇龍無損害拍
手天宮笑一場這些功真奇妙分付與人誰肯要愚徒死

戀色和財所以神仙不肯召真至道不擇人豈論高低富
與貧且饒帝子共王孫須去繁華鏗銳紛嗔不除態不改
墮入輪迴生死海堆金積玉滿山川神仙冷笑應不睬名
爲貴道極尊聖聖賢賢示子孫腰金跨玉騎驕馬瞥見如
同隙裏塵隙裏塵石中火何苦留心爲久計畫夜煎熬喚
不回奪利爭名如鼎沸如鼎沸永沉淪失道迷真業所根
有人平却心頭棘便把天機說與君命要傳性要悟入聖
超凡由汝做三清路上少人行畜類門中爭入去執賢良
休慕願性命機關堪守護若還缺一不芳菲執著波渣應
失路只修性不修命此是修行第一病只修性不修丹萬

劫陰靈難入聖達命宗迷祖性恰似鑿容無寶鏡壽同天
地一愚夫權握家財無主柄性命雙修玄又玄海底洪波
駕法船生擒活捉蛟龍首始知匠手不虛傳

雜感

身世等浮漚殘棋苦未收何時功行滿勇退羨留侯
可道非常道動功詎外功些兒真造化恍惚杳冥中
有靜方能動無私合自然神光時下照真意採先天
垢辱何傷性迤邐藉煉心三空觀自在抱一任升沈
麝爲懷香獵龜緣入夢烹知幾猶未晚韜晦學長生
處世先端品修身貴意誠言如不顧行何必問雲程

行住坐臥四箴

行將趨蹶戒步履自安詳大道從容中歧途着意防周規兼折
矩入室與升堂心目隨雙脚優游在帝鄉

住立無偏倚如齋學習勤足跟安地穩耳底絕風聞自在觀如
此逍遙志不分心存腔子裏性體絕紛紜

靜坐忘言守修真孔孟同萬緣空象外一念定規中養氣存神
候明心見性功程張師範在銘戒列西東

流俗醒猶睡真人睡却醒神魂收紫府精氣滿黃庭枕石忘年
歲焚香夢日星曲肱尋孔樂大蟄五龍形

游廬山讀明太祖石刻周顛仙傳

唐代有張顛宋世有米顛釋家有濟顛道家有周顛以顛寄其
跡三教同一源佯狂以玩世笑罵亦直詮盧生因夢醒愛讀指
玄篇識得虛無竅抉破地中天秋風動游興遠陟匡廬山屏峰
九疊列瀑布千仞懸芙蓉眞繡出雲霧甚幽閒欲識眞面目不
憚窮躋攀此中開悟境悠悠世慮刪懷古發遐想穹碑樹瑤壇
摩挲細辨審建自洪武年欽惟明太祖御筆灑文翰詳載周仙
事修名千古傳來去頗秘幻體用自方圓谷神常不死從此妙
玄玄入水既不溺赴火亦不燃絕食竟無恙治疾則易痊言事
悉有驗來告太平先神奇莫能測此之謂真仙後有張三丰避
世離塵寰猶龍不見尾相逢須有緣世人不信道辨論肆譏彈

試以此碑證當復釋疑團海疆正多事况復財力殫願求點金術飛劍誅樓蘭神仙如首肯庶以拯時艱何日告太平泰卦演坤乾舉頭望霄漢度此躡飛鸞

遣懷

生不願封萬戶侯亦不願識韓荆州但願追隨古列子朝游北海暮羅浮化身億萬安蒼赤九祖同升駐十洲賢哲有緣齊度脫手招黃鶴入瓊樓

讀 呂祖寄白龍洞劉道人歌 并序

呂祖寄白龍洞 燕相劉海蟾道人歌言警意該誠度人之衣鉢俯鶴聞道有年日嘗捧誦以警身心今次韻

和之如科場對策不悉能否中肯尙乞有道正之

爲誰甘苦爲誰忙卅載風塵兩鬢霜一切有爲皆幻境何如見
性放毫光放毫光無宿疾浩氣常存同白日身在塵中不染塵
住氣凝神精勿失縱有名媛在目前無情那怕被牽纏功名富
貴非吾願但求得藥命長延延年之道無他術離卽火兮坎卽
水填離取坎返童顏未煉還丹仍住世仍住世換仙方重安爐
鼎靜思量不向山中尋藥草還從身內覓眞陽眞陽事有別
陽產鉛中不是血及時採取仗黃婆金逢望遠過時節過時節
退氣人青衣女子別婚姻是誰癸盡鉛生日素練郎君未破身
夫唱婦隨入帷裡丁公吶喊挺然起六門緊閉守黃庭任他奔

騰如鼎沸上下升降聽自然忘形忘物無神鬼須臾和合化成
丹似有元珠在泥底屯蒙溫養日長成防危慮險抱真精胎元
十月嬰兒理頂門出入性通靈非凡事識者稀不是尋常人得
知若非前世有仙骨此生如何得遇之得遇之宜速煉浮生光
景急如箭自思得訣已多年欲訪良朋煉汞鉛偏遇奇災頻告
急寒儒還想願回天世風日薄人多詐詭計慳貪竊道者富而
且貴說同修問發丹財如聲啞或言不敢望休糧或說家貧無
所長豈不見呂祖寄劉道人歌裡訣言警意賅法最良縱然富
貴子孫多無常難免不分別世間惟有道尊貴知君向善傾懷

說

附錄 呂祖寄白龍洞劉道人歌

按草堂自記吾作白龍洞劉道人歌道人卽海蟾也龍洞在首陽太華兩山之間並非會仙山白龍洞亦非桂嶺南溪之白龍洞也海蟾隱此吾作長歌寄之張紫陽度劉廣益卽以此歌爲衣鉢故此歌亦載於悟眞篇中蓋紫陽以吾作而潤色之以度人者所易字句比原作穩洽可照悟眞篇叅之

玉走金飛兩曜忙始聞花發又秋霜徒誇錢壽千來歲也是雲中一電光一電光何太疾百年都來三萬日其間寒暑互煎熬不覺容顏暗中失縱有兒孫滿眼前都成恩愛

轉牽纏及乎精竭身枯朽誰解救君暫佇延延年之道既
無計不免將身歸逝水但看古往聖賢人幾個解留身在
世身在世也有方只爲時人沒度量競向山中尋藥草伏
鉛制汞點丹陽點丹陽事迥別須向坎中求赤血捉來離
位制陰精配合調和有時節時節正用媒人金翁姪女作
親姻金翁偏愛騎白虎姪女常駕赤龍身虎來靜坐秋山
裏龍向潭中奮身起兩獸相逢戰一場波浪奔騰如鼎沸
讀黃婆丁老助威靈撼動乾坤走神鬼須臾戰罷雲氣收
種箇玄珠在泥底從此根苗漸長成隨時灌溉抱眞精十
月脫胎吞入口忽覺凡身已有靈此個事世間稀不是等

閒人得知夙世若無仙骨分容易如何得遇之得遇之便
宜煉都緣光景急如箭要取魚時須結罾莫待淵臨空歎
羨聞君知藥已多年何不修心煉汞鉛休教燭被風吹滅
六道輪迴難怨天近來世上人多詐盡著布衣稱道者問
他金木是何般禁口無言如害啞却云伏氣與休糧別有
門庭道路長豈不見陰君破迷歌裏訣太乙含真法最良
莫怪言詞太狂劣只爲時人難鑒別惟君心與我心同方
敢傾懷向君說

醒世

感慨尋眞受坎軻旁門曲徑何其多熟讀叅同與周易高談妙

道如懸河竟云已得真仙訣不助丹財不肯說招搖撞騙爲貪
淫詎知報應如電瞥我聞修道不求榮但脫塵網了死生富貴
功名非所願法財相濟到蓬瀛

題佩璋修士入室譜論周天火候口訣

火候從來秘不傳羨君入室說周天卯申巳酉宜叅考

余得師授者不

同于丑寅辰說妙詮百刻寒溫忙裏準六爻文武靜中權願同
豪傑師前聖勇退潛修渡有緣

癸卯六月初二日交卸左江道篆東旋初十夜道經梧州
宿南甯舟次忽蒙老君示夢起誌一詩

六月十一夢老子身長玉立空中起伏求超脫返蓬萊仙露澆

背涼無似

叩求之際忽蒙仙水洒膏清涼透入骨髓

仰視豐頤聆法言同寓太陰太

陽理斯言有指愧愚蒙形神相契眞懽喜

呈通一齋主人

相識滿天下知音無幾人祇求長富貴不信可修真
欲知山下路須問過來人夢授與乩示相傳恐未眞
學道如牛毛成眞似鱗角鼎鑪已粗備毋遺世人謔
功業原無盡年衰兩鬢斑病多家累重急欲出塵寰
護師先入室屈指第三次力薄賴同人相扶遂我志

書懷

得授眞傳四十秋欲圖巨室作仙儔立竿見影非虛語購鼎安

爐不易籌漫笑有方何致病祇因無藥未潛修誰能假我扶搖

力一舉同升在十洲

借龍眉
子句

寄楊綬卿太守

富貴訕於人曷若貧適志阮籍咏吟多馬援招謗易毀譽不動
心有容成大器仁義修在我禍福任天賜權勢未可恃兩雲翻
覆異始願學神仙不作冤孽事時存救濟心熱俠腦根識神鬼
赫有靈欺人勿欺自善惡終有報斯言誠非戲知人自古難大
奸亦多智陰柔易相處陽剛必招忌相知貴知心鮑叔能仗義
麥舟贈故人堯夫重友誼芝蘭氣味投何必矜勢利賢哉沈萬
山護道傾家飲至人鑒其誠特出丹母餌點石可成金三峯集

所記自顧德淺薄何敢存希冀惟是求大道艱苦無不試迄今
四十五上蒼感誠意兩次遇真師秘訣曾相示訪侶探真鉛安
貧待時至下士必大笑不仁休妄覲願公如慧通成道奉天使
修使入珠樓細檢琅函秘父母亦超昇同登歡喜地

呈梅嶺棲雲山人步龍眉子對月感懷原韻

海上經營四十秋備嘗艱苦我深憂護師入室無多效訪侶求
鉛未竟修惆悵何年登閬苑綢繆此日選神州幾遭魔障仍前
進終望功成上十洲

附錄龍眉真人中秋對月感懷詩

手握天機六六秋年年此夕不勝憂神功妙乏三人就黍

米靈無二八修道龜蛇須福地要知騎鶴上揚州誰能
假我扶搖力一舉同遷在十洲

敬步呂祖師呈鍾離祖師原韻

三著危言祝太平心存救濟利名輕賈生痛哭終無補九轉丹
成問上清

政體天心一樣平無分畛域重和輕欲求點鐵成金術普救災
黎四海清

呈蜀西辛祖師

夙存宏願與人同願學旌陽道法通訪訣東南無實義辯香西
北有真宗慈悲蜀郡辛師祖點化香城鄭守中傳諭十年猶兩

厄回思五秩已三逢

自憐弱質驚蒲柳誰授神丹禦雪風杖引張劉何處覓

師許以我師爲

劉張二公也

劍傳鍾呂會當逢婆心自在無今古仙骨因人有異同

朝罷三清願辭職只求住世度英雄

贈劍華道侶

道義相交臭若蘭殮霞同約棄衙官立功豈藉三千善入室期

修九轉丹通慧再無爲廣孝

君爲姚少師後身

豪情仍似夢邯鄲此行

果獲真仙訣勿負當年訂歲寒

狐仙

世人笑我愚我笑世人迂忘命貪富貴積財爲妻孥不識長生

羅浮侍鶴山人外集

術焉知易象圖猿狐可變人仙佛安得無吾友王策丞昔年遇
女狐相愛情不斷形容日稿枯勸王節色慾連氣潤肌膚有僕
私相論自打罵狂奴此說彼已知豈非是仙乎

讀張三丰真人關中苦次韻敬和

升沉感慨飽炎涼讀罷仙詩淚兩行世路難行師遍歷人情苦
況我都嘗憂民憂國心常赤求藥求仙鬢已蒼指引慈航祈早
渡功成政府救中央

羅浮彭道人

積氣已通關如何犯色慾轉身性莫迷終得長生錄

汀洲胡處士

同寓華林寺潛修見性光惜哉魔障起各自返家鄉

峨眉羅居士

得採南宮法心神氣作基入山無退志奚慮不如師

匡廬黃居士

福慧雙修難勸君早煉丹駒光如過隙底事尚求官

述懷寄同門諸道友

立志學神仙首當端品行三空師佛老四勿遵孔孟是非不動
心與世無爭競養氣忘言守

呂祖成句

應物同明鏡功貴誠勤恒無

恒道不展漫言採外藥先要煉心性回光時返照垂簾如入定
萬籟聲俱寂日出浮雲淨陰極陽自生歸根以復命昔曾遇此

境快樂言難罄始信坎離交周身酥且興惜哉家累纏所行未
究竟無念方能靜有念機不應而今鉛汞枯生機無把柄救護
思南宗丹財何處贈實精以裕氣精足氣自盛氣盛關自開關
開除百病到此絕色慾身體自強勁火候載丹經得訣知門徑
憶昔客申江經營遇梟獍艱苦無不嘗始終惟守正藉此煉身
心和藹化堅硬富貴本由天不畏魔障橫薄俗鮮知音忠信與
篤敬當此危急秋年老益憂病窮欲善其身不敢談朝政自愧
不能文何敢耽吟詠惟是有所知賦此供清聽成己欲成人普
天同忻慶或笑無神仙經史可爲證明初周顛仙水火不能做

明太祖試以水火不能傷

飛昇張三丰永樂會書聘有爲亦若是勉力希

賢聖

集呂祖師句贈尺木子

息精息氣養元神精養丹田氣養身夢醒黃梁休再戀窮通得失付前因

呈彭師法忠步呂祖師傳劍二首原韻

卅年私淑忽相逢喜若廬山呂叩鐘稽首彭籛求速渡願隨鶴駕斬蛟龍

萬里雲程一日還扶危濟困見堯天道成法就無私意不是賢豪不亂傳

附錄呂純陽祖師傳劍二首

按草堂自記吾有二劍偕傳自火龍先生中條老姆
派也一曰法劍以術治成必得英爽絕俗正直無私
之士而後傳之否則偏用私用必遭天罰卽傳者亦
有過焉及其扶危濟困掃盡不平然後以道劍傳之
斬斷魔根同歸仙島此劍仙始末也殘唐之際干戈
草草天下多姦邪輩吾傳以法劍者蓋十餘人使其
往來海國拔救羣生焉

東山東畔忽相逢握手丁寧語似鐘劍術已成君把去有
蛟龍處斬蛟龍

朝泛蒼梧暮却還洞中日月我爲天匣中寶劍時時吼不

遇同人誓不傳